

## **Dissertatio physiologica de irritabilitate.**

### **Contributors**

Zimmermann, Johann Georg, 1728-1795.

### **Publication/Creation**

Gottingae : Typis Georg. Ludov. Schulzii, [1751]

### **Persistent URL**

<https://wellcomecollection.org/works/wupa9ewp>

### **License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>

L  
LONDON MEDICAL  
SOCIETY OF

DISSERTATIO PHYSIOLOGICA  
DE  
IRRITABILITATE  
QVAM  
DIVINIS AVSPICIIS  
CONSENSU GRATIOSAE FACULTATIS MEDICAE  
PRO  
OBTINENDIS DOCTORIS MEDICI HONORIBVS  
PVBLICE DEFENDET  
AVCTOR  
IOANNES GEORGIVS ZIMMERMAN  
HELVETO - BRUGENSIS.  
D. IVLII MDCCL



GOTTINGAE,  
TYPIS GEORG. LUDOV. SCHVLZII, ACAD. TYPOGR.

2002

V I R O  
PER ILLVSTRI AMPLISSIMO  
**ALBERTO** von **HALLER**  
MEDICINAE ET PH ILOSOPHIAE DOCTORI  
CONSILIARIO AVLICO ET ARCHIATRO REGIO ET  
ELECTORALI  
MEDICINAE, ANATOMES, CHIRVRGIAE, BOTANICES  
PROFESSORI PVBLICO ORDINARIO.  
SOCIETATIS REGIAE SCIENTIARVM GOTTINGENSIS  
PRAESIDI PERPETVO.  
ACADEMIAE IMPERIALIS NATVRAE CVRIOSORVM  
SOCIETATIS REGIAE BRITANNICAE  
ACADEMIAE REGIAE BEROLINENSIS  
SOCIETATVM REGIARVM SVECICAE ET VPSALIENSIS  
S O D A L L  
IN SVPREMO SENATV REIPVBЛИCAE BERNENSIS  
DVCENTVM VIRO.



## VIR PERILLVSTRIS AMPLISSIME

**Q**uartus nunc elabitur annus, ex quo e longinqua Helvetia, patria mecum tibi communi, hic ad te veni. Laetus reliqui Terram matrem, laetus ultimum forte dixi vale, qui te eram invisurus. Ita enim me rapuit

*rapuit TVI idea, qui toties nemora quaerens  
& umbras TECVM versatus sum, toties aeterra  
gloriae TVAE monumenta conspiciens, optavi  
ut aliquando liceat cominus TE venerari & per  
TE proficere.*

*Vota superasti OPTIME PRAECEPTOR.  
Juvenis ad TE accedi, qui praeter TE nihil  
quaererem, nihil amplius sperarem. Licuit TE  
conspicere, TECVM proprius & quotidie versari,  
TVIS in vario scientiarum genere frui institu-  
tionibus: ita quavis die & hora felicior, nihil  
amplius desideravi, quam ut ipse tandem vir-  
tutes TVAS possem imitari.*

*O quam vivida nunc TVI in me existit  
imago, quanta olim mibi superfutura recordatio!*

*In*

*praesenti jam, nescio qua recondita gaudii spe-  
cie recolligere juvat, non ea tantum quae fau-  
sta & felicia mibi cum TECVM essem accide-  
runt, sed ea ipsa quae infandi memorem red-  
dunt doloris. Ita menti alte infixa manet dul-  
cis TVA adlocutio, qua e vita cum videres e-  
gressurus tristissimum mibi obtulisti officium: in  
iis enim, volvente anno securus, innocentissime  
nunc gaudeo; denuo memor TVI etiam in me  
amoris, & mei - - -*

*Varia tandem certaminis Academicis ladia  
emensus, primitias laborum lubens meritoque  
TIBI offero. Tanta enim & tam multa ex TE  
mibi nata sunt commoda, ut nihil boni in me  
possim invenire, quod non TVVM sit, quod non  
a TE ultimo proficiscatur. Accipe ergo leve mu-  
nusculum, & non dignare, quae sola fert mea  
conditio.*

*Nunc*

*Nunc te linquo vir amabilis, &  
quo fata vocant secedo. tvi monumentum  
ipse in pectore meo struxisti, at non omnis mo-  
riar, multaque pars mei vitabit libitinam.*

*Gottingae d. 17. Junii 1751.*



IOANNIS GEORGII ZIMMERMAN  
DE  
IRRITABILITATE  
DISSERTATIO.

§. I.

**C**orpus sensu generaliori irritabile esse dico, quod ex irritatione contrabitur. Hanc autem proprietatem quatenus insita est partibus animalium irritabilitatem vocamus: variam esse in variis animantium partibus ultro patet, cum diversis actionibus destinatae sint. Sed adeo magna est praeterea in quibusdam partibus adeo (ut ita dicam) rythmis suis adfuetis, ut post mortem supersit, ubi causam irritantem nullam manifesto videius.

A

§. II.

2 DE IRRITABILITATE.

§. II.

Est etiam elater simplex cum eo non confundendus quem animalem seu insitum dico & qui sensu specialiori proprie Irritabilitas, mihi vocatur. Elater simplex ex mechanica intelligitur. sed animalis noster ad physicam specialem corporis humani reliquorumque animalium pertinet, ubi, quantum quidem nos videimus homines, leges obtinent longe diversae et a vulgari theoria virium motuumque remotissimae. Id etiam hic in principio notandum me aliquando sensibilitatem pro irritabilitate sumere et vice versa, per experimenta enim inveni irritabilitatem ut plurimum esse uti quantitas nervorum, hinc fit ut interdum unum pro altero sumatur. Limites irritabilitati per tria naturae regna figere nondum licet, is etiam in primis scopus est ut ostendam quomodo se habeat in animalibus: Reliqua ad finem paucis tangentem.

§. III.

Initium merito sit a simplicioribus, facilior hinc progressus ad magis composita. *Cellulosae, membranae* omnes destitutae sunt irritabilitate qualiter definivi (§. I.). Nuper rimma quidem doctrina est corpus fere toum ex cellulosa fieri, sed de nervis id nunc non affirmatur, quia mobilitas et irritabilitas illis etiam a morte supereft, cellulosis autem nulla; idem etiam dici poterit de fibra musculari. Non dissimulandum interim quid hinc inde sibi expertus quae generali asserto videntur contraria.

EXPERIMENTVM I.

In cane pinguedinem mesenterii, pinguedinem cordis ab ad tactu olei vitrioli vehementer vidi constrictam, hoc quidem flata-

## DE IRRITABILITATE.

5

statim videbatur a nervis esse, sed et aliis in locis ubi de nervis nulla erat vel suspicio vel saltem jam extincta omnis irritabilitas, eamdem observavi ab hoc oleo constructionem.

### EXPERIMENTVM. II.

In mure duabus a morte horis, eum jam omnis muscularum, nervorum, intestinalium & cordis extincta esset irritabilitas, plura de cute frustra resecui, disposui in mensam, paululumque tetigi plumula oleo vitrioli madida, sic statim vehementer secuta est constrictio, iino in glomerem convolutio. Experimentum in iisdem animalibus saepius institui, nunquam fecellit una duabusve a morte horis; hic tamen erat terminus ultra quem nihil licebat sperare, diutius enim expectanti nunquam succedit experimentum.

### EXPERIMENTVM. III.

In mure hora post mortem resecui caudam, incidi, denudavi, maximos inveni per illam decurrentes funiculos albos splendentes, hos irritavi oleo vitrioli, sed nullum observavi motum, irritavi entim a cauda separatum, sic constringebatur vehementissime & tota simul eauda in motum acta vermicularem serpentis ad instar, per breve tamen temporis spatium, incedebat.

Haec autem ab olei vitrioli chemica vi ita fieri ultro patet, quomodo enim adeps in cellulas effusus irritabilitate gauderet, fibris destitutus? Videtur ergo hanc contractionem manifestam in primis dum adeps calet speciem effervescentiae esse, qualem hinc inde in ranis excitavit SWAMMERDAMMIVS: Aliquantum tamen cuti irritabilitatis tribui posse, quatenus nempe nervos recipit, in sequentibus ostendam.

## DE IRRITABILITATE.

### §. IV.

Membranas irritabilitate destitui suadent experimenta sequentia.

### EXPERIMENTVM I.

Pleuram in cane adhuc vivo irritavi scalpello, instillavi oleum vitrioli, nullum inde sequebatur sive contractionis sive doloris signum.

### EXPERIMENTVM II.

Pericardium oleo vitrioli tactum nullo modo constringebatur, nec unquam scalpelluum aliquid efficiebat.

### EXPERIMENTVM III.

Peritonaeum in cane irritavi chemice & mechanice, sed nihil inde sequebatur.

### §. V.

De *dura matre* idem per theoriam potcrit exspectari, illam enim brevi maceratione in flocculentum & cellulosum habitum æque ac alias membranas abire ante aliquot annos mihi demonstravit amicus præstantissimus D. C. SCHOBINGER (a); sed de ejus irritabilitate adeo certi videntur Medici fere omnes ut nullo modo sint solliciti an re vera ita se habeat, ego quidem ausus sum dubitare. BAGLIVIVS priori seculo magna in auctoritate constitutus de afferendo motu durae matris sollicitus, ut perpetuum in Corpore humano mobile ex mutua cordis & durae matris actione explicaret, rem uti vulgo creditur confecit. PACCIONUS, inventor systematis, fibras mus-

(a) V. etiam ejusdem Cl. viri diss. de T. Cellulosae in fabrica C. H. dignitate. p. 72.

## DE IRRITABILITATE.

5

musculares durae matri tribuit a posteriori falcis parte, ubi cum tentorio committitur, sursum adscendentes, sed splendent illae fibrae, hinc tendineae sunt: facile deinde duos in hac membrana construxit musculos antagonistas qui deprimerent duram matrem, cerebrum urgant: Idem PACCHIONVS cum crederet non opus esse ad demonstrandum suum assertum, ut dura mater nervos haberet nullos omnino inventit: sed postquam absque ilii sensationem fieri non posse ostensum est, ubique occurrerunt, sic ex utraque parte pro casu necessitatis praestosterat Philosophus Italus; nervi autem re vera nulli adsunt. Addidit BAGLIVIUS ex irritatione chemica vel mechanica durae matris non solum clamare animalia sed in vehementissimas incidere convulsiones: Alii dixerunt alia. Haec omnia docte iam ante me narrata sunt & ponderata a præstantissimo viro I. G. ZINN, qui novam doctrinam critica eruditione ornavit et eum propriis omne punctum ferentibus experimentis in dissertationem conjectit (*b*). Sed nihilominus vivit adhuc viget que animata hypothesis, quare juvat experimenta saepius repetere et describere. Diversa equidem vidi ab iis quae viderunt BAGLIVIUS cum amicis, PACCHIONO et PALLILLIO, nolle tam tot egregiis viris mea obponere experimenta, nisi scirem Ill. HALLERVM nunc per plus quam quinquaginta vices in hanc rem inquisivisse, et nunquam ex irritatione hujus membranae vel clamorem vel convulsiones observasse. Quæ ego vidi ad sequentem titulum refero.

A 3

EX-

(*b*) Gottingae a. 1749. editam. Tit. est, *Experimenta quae-dam circa corpus callosum, cerebellum, duram meningem in vi-vis animalibus instituta.*

## DE IRRITABILITATE.

## EXPERIMENTVM.

In cane remota bona parte cranii, duram matrem irritavi scalpello, nulla inde secuta constrictio in membrana, nullum canis dabat doloris indicium, nullum edebat clamorem cum alias caeterum lacesitiones egregie persentiret, convulsioneum nullam unquam vidi. Pluma deinde oleo vitrioli madida duram matrem inunxi, sed canis vivus vegetusque ne minimum edebat sensibilitatis signum, duram matrem incidi quoque absque ulla noxa. Scalpello autem per cerebrum defixo, mox vehementissimae sequebantur convulsiones, quod semper evenit. Omnia haec variis in locis in diversis canibus ad naufragium usque repetii, et eventus perpetuo idem fuit.

Elegantissima etiam sunt experimenta hunc in finem a praestantissimo nostro amico F. E. LOEBER in mure capta, hic cum aliquae circa sensilitatem duræ matris motae fuerint objectiones rem absque praejudicio adgressus invenit, duram matrem, tenuem valde in mure membranam, in vegetissimo animali absque ullo doloris vel convulsionis signo posse irritari, satis magna enim cranii parte remota experimentum variis in locis instituit ut nullum superesse possit dubium: scalpello dein in cerebrum defixo secutae sunt omnino convulsiones et mors. Aliorum experimentorum apud eumdein Ingeniosum virum idem erat eventus.

## §. V.

Sed quaedam supersunt difficultates; ajunt qui pro BAGLIVIO militant „gaugraenata dnra matre, per caustica remedia, paralyticas et stupida fieri infernas partes affectae meningi e directo respondentes, a topho in cerebro orto duramque matrem irritante epilepsias saepe oriri &c., Iuvabit has objectiones, paulo accuratius considerare: Exstat apud H A R DERVM

## DE IRRITABILITATE.

7

DERVM (*a*) observatio, quam utique ad rem suam facere existimabunt qui BAGLIVIUM sectantur clari Viri,, a. 1682.  
e vivis excessit homo qui aliquot septimanis ante, sclopeto inverso iactus, vulnus funestum incurrit, in anteriori et superiori eranii parte, quod ad tabulam secundam usque et ultra pergebat; biduo eirciter ante obitum, dextri lateris quod vulneri obpositum erat paralyssi affectus fuit, quam ipsa mors excepit. Quum eranium removerent, huius frustulum duræ matris infixum repererunt, verum citra ulteriores in cortice noxas: ad ventriculos autem progredientibus materia viridis glutinosa multa, formati abscessus soboles obviam illico venit., Vixit ergo per integras septimanas homo qui frustulum craniī duræ matris infixum habuit absque convulsione, imo vero, uti HARDERUS in scholio notat, aliquando adeo bene se habebat ut ad pristinam incolumitatem redditurus videretur; Haec fatis hactenus contra BAGLIVIUM sunt, sed unde illa lateris obpositi paralysis biduo ante fatum exorta? nonne cortex laesionis expers arguit frustulum craniī ultra duram matrem non penetrasse, ut adeo paralysis ab ipso ejus vulnere sit repentina? Paralysis non oriebatur subito, sed ultimis diebus tandem nata, videtur esse sequela chronici alicujus affectus; hinc nullo modo ad frustum eranii duræ matris infixum poterit referri, quia non continuo ab ictu secuta est. Apparuit deinde ex dissectione illius hominis sedem mali in ipsa medulla fuisse, reperta enim est in ventriculis multa viridis glutinosa materia, formati abscessus soboles, quod facile ex prægressa sanguinis effusione intelligitur, hinc nullo modo ad explicandam hanc paralysin ad laesionem duræ matris recurrentum est. Quid autem dicendum de epilepsis quæ a topho in cerebro orto duramque matrem irritante dicuntur oriri? Ex ipsa hac obseruatione ea sumo

(*a*) In Apiarie obs. p. 138.

## DE IRRITABILITATE.

suimo quae rem meam demonstrant. Si tophus in cerebro natus est, an non aequa bene irritavit cerebrum ac duram matrem? Eadem etiam ratione se habebit cum paralyssi ex gangraenata dura matre orta, facillimus enim transitus ad m. in medullam, in malo quod adeo cito tam late spargitur.

## §. VII.

Insignem dura mater, ubi de irritabilitate apud Celeb. WINTERVM agitur, tenet locum. Praeceptoris sententiam hac ratione tradit Discipulus cl. LVPS (a). „Multa secum de difficultatibus &c. reputans el. Winterus, splendidissimum Academiae Leidensis lumen, fecit tandem hanc conjecturam: irritabilitatem in dura matre ejusque productionibus suam sedem habere, puncta enim d. m. fit convulsio, tremor, &c., Haec ex mente BAGLIVII ita opinasse WINTERVM satis manifestum est, facto enim experimento non potuisset non alia videre cl. vir, cuius certe ingenium et doctrinam veneror. Pergit deinde cl. LVPS (b). „Si igitur demonstrari potest, omnes solidas humani corporis partes originem suam duræ matris debere, satis forte probabile erit, duram matrem ejusque productiones solas esse irritabiles. Videamus primo de ossibus: DU HAMEL firmissimis rationibus demonstravit, lamellas in ossium fracturis ex periosteо generari, ossa itaque suam a periosteо habere originem, sed periosteum est productum duræ matris per foramina cranii prodeuntis --- Ergo ea ratione est duræ mater omnium periosteorum origo, ergo omnino ossa a dura matre oriuntur.,, Contra DU HAMELI sententiam satis jam dictum est Ill. HALLERO, ut nullum superesse possit dubium, ossa non ex membranis sed omnino ex succo effuso generari. Et

fi

(a) Disp. inaug. de *Irritabilitate* edita Leidae 1748. p. 21.

(b) l. c.

## DE IRRITABILITATE.

9

**S**i verum esset ossa ex dura matre oriri, quis tamen illis irritabilitatem tribueret? Ostendit deinde cl. L U E S musculos aequem ex d. m. oriri, sed nolo his longius inhaerere, cum nullum mihi dubium sit irritabilitate gaudere musculos, undecunque deum orientur. Tractationem suam tandem ita concludit vir cl. „Irritabilitatem in solidis qua solidis a d. m. ortis, non autem in nervis suam habere rationem,, Unum ex hypothesi fluit, alterum quis dicat?

### §. VIII.

Durae matris propagines sunt *periosteum*, an ideo sensu carent? An chirurgorum de summa periosteum sensibilitate quaerelae quod eorum instrumenta per regiones incognitas defixa aliquem forte in itinere offendant nervum? An insensibilitatem periosteum suadent obseruationes, in quibus ossa in omni ambitu cariosa doloris erant experta? Nondum definio. Perosteum quatenus nullos recipit nervos omnino oportet esse insensibile, et si demonstratum est nullos habere, tunc omnino res erit confecta. Ita etiam in universum limitanda sunt quae de insensibili membranarum dixi.

### EXPERIMENTVM.

Pericranium in cane irritavi oleo vitrioli, ille clamabat vehementissime.

Pericranium nervis plenissimum est, hinc non mirum adeo acute sentire. Sic etiam ex parte intelliguntur quae superius de cute observavi, in mure enim ea in primis quae caudae supertenditur aliqua gaudere videbatur vi contractili, quae, si certo inest, a nervis per cutem meantibus posset repeti, non enim rari ibi sunt in mure nec exigui, tantum aliquando vidi ex medulla spinali in cutem abire qui pla-

## DE IRRITABILITATE.

ne aequalis esset crurali nervo. Sed etiam in homine valde magni nervi ad cutem abeunt, exemplo sint magni illi qui ex nervo musculo cutaneo in cutem brachii disperguntur; id deinde suadet ipsa cutis sensibilitas adeo universalis adeo perpetua. Aliud etiam exemplum membranae sensilissimae praebet adnata oculi, quae nervos recipit per glandulam lacrimalem advenientes.

## § IX.

Ad hanc de membranis tractationem dein referto singulare experimentum ab Ill. HALLERO captum: Iridem Ille in felie irritavit scalpello, uno vero oleo vitrioli, sed nulla plane inde secuta est constrictio, nulla pupillae angustatio, quod certe mirum videri debet, nemo enim est qui ignoret quanta sit iridis ad lucem sensibilitas: Experimentum vulgarissimum est, iridem constringi, pupillam fieri minorem, oculo luci adverso, contraria fieri oculo averso; et quod minus in vulgus notum est, in animalibus morientibus idem fit, ut in cuniculis observare mihi licuit: De Dariensibus Indis alba cute iride rubra, constat, iridem habere adeo sensilem ut interdiu videre non possint, pupilla nimis a luce angustata ut ejus radiis nullus ad retinam sit transitus: Saepe etiam interdiu accidit ut locum tenebricosum ingressi plane caeci simus ( iride adhuc constricta ) sensimque tandem valeamus aliquantum videre, pupilla iterum amplificata. Sed omnium horum phoenomenorum eadem semper est causa, lux, adeo subtilis, adeo debilis, tantum tamen edens effectum; in experimento Halleriano autem in felie capto ad causam longe maiorem & fortioram nullus plane sequitur effectus, licet in felie elegantissime succedat experimentum superius excitatum ad angustandam & amplificandam pupillam. An ideo minus verum principium a nemine hactenus in dubium vocatum au-  
cta

## DE IRRITABILITATE.

ii

*Ea causa augeri effectum, minuta minui?* Respondebo aliqua: Fines rerum praevidere oportuit sapientissimum C R E A T O R E M, hoc enim si negares, nullus obtinere potuisset ordo in schemate mundi nullus inter res creatas nexus, iridem ergo cum in schemate hominis & plerorumque animalium eadem ratione necessariam vidisset D E V S, & quare in primis necessaria sit perspexisset, proportionem videtur posuisse inter ejus sensibilitatem & solam causam irritantem, lucem. Nec ideo dicendum est a majori causa non majorem sequi posse in irride effectum, est enim irritationi a luce factae & a scalpelio vel oleo vitrioli haud dubie in ultimo mechanismo diversus agendi modus, hinc nunquam comparandus. Re igitur proprius considerata apparet unam causam non augeri aliter nisi multiplicatis virium unitatibus; sed dum illae unitates in uno & altero casu diversae sint, non possunt non etiam dispare summae. Sint enim radii lucis iridein constringentes A. Olei vitrioli quantitas cuius ope constrictionem volo excitare a. Augeres causam A additis insuper B & C & D effectus secundum regulas mechanicas ordinarias erit  $= A + B + C + D$ . Sed si causae A addo b + c + d effectus erit  $= A + b + c + d$ , a priori ergo diversus. Videtur itaque iridem ad unicam determinatam causam esse sensilem, nec ad alias; eadem ratione aspera arteria ab omni corpore extraneo irritatur, non autem a muco suo; vefica stimuli a quocunque liquore injecto impatiens est, non autem urinae, &c.

### § XI.

Non possum hic praeterire Ill. H A L L E R U M priori hyeme reperisse, ovi iridem esse immobilem cui data est membrana nictitans, manifesto argumento praevisorum a sapientissi-

## DE IRRITABILITATE.

mo CREATORE finium, qui propter membranam illam iridem reddidit immobilem, quae in majori luce dum oculo supertenditur idem facit ac in aliis animalibus iris quae constricta pupillam reddit angustiorem. Aves fere in universam habent hanc membranam seu palpebram tertiam, quam per proprios musculos accurate regunt ut oculum defendant qui sensilissimus est: Ululae non habent, abdita quaerunt interdiu & dormiunt, hinc non indigent ea machina qua oculum obvelent. Sed forte scepticus hic diceret: Ovi iridem immobilem dedit NATVRA CREATRIX, avibus autem summe sensilis est, utrumque animal membranam habet nictitatem; nunc tu infers, ovis iridem habet immobilem, quare? quia dedit D E V S membranam nictitantem: Avibus iris sensilissima, an ideo etiam quod membranam habeant nictitatem? Respondeo: In ovo causam finalem manifestam esse, & in avibus palpebram tertiam ideo videri supperadditam ne iris solum esset instrumentum quod radiis lucis transitum per pupillam denegaret, hinc nimis lacepsita eo citius irritabilitatem amittens callosa fieret, qualis (sed cum summa eorum utilitate) est in hominibus senibus, in quibus fit immobilis. Callositas vero avium iridi in primis periculosa iniminet, quo magis in excelsis locis, & aere splendente vivunt. Atque ululae noctivagae conservasse oportuit quam sollicitissime oculorum irritabilem naturam, ne in ea dubia luce non sufficeret ejus teneritas.

## §. XII.

A membranis ad *tendines* pergo, quorum fabrica non multum diversi habet, ut potius exemplo tendinis musculari plantaris crederes omnino & hos ex cellulosa fieri; quare eo minus erit mirum, magnum etiam circa sensitatem in his

partibus

## DE IRRITABILITATE.

13

partibus inveniri analogiam. Arduum interim hic adgredior opus & momentosum, pugnandum iterum cum receptis omnibus tere medicis opinionibus, & quis unquam has eversurus apud adversarios gratiam sibi meruit? Tendinibus omni tempore summam attribuerunt sensilitatem Auctores. HIPPOCRATES (*a*) gravissimorum malorum & mortis ex vulnera tendinis mentionem facit: Similia narrat HILDANVS, hinc ubique & apud BOERHAAVIUM receptum est eadem in tendinibus diversimode laesis obtinere & saevissima quidem ac in nervis varia ratione affectis. Confirmarunt etiam sententiam frequentia mala ex infausta venaelectione orta, ubi de laesione tendinis plerumque quaeritur. Convulsiones a levi ad tactu tendinis involucris suis nudati oriri dicit Ill. van SWIETEN (qui tendinibus laesis (*b*) violentiora quam ipsis nervis tribuit symptomata) easque uno momento universales per totum corpus, cum tamen tendines involucris suis tecti ferant sine magno malo ut valide trahantur imo consuantur (*c*). Sed quis convulsiones universales tribuet parti ubi fatente ipso Ill. HALLERO nervi aegerrime demonstrantur? solus enim LEEUWENHOEKIUS microscopiis suis adjutus raras & superficiales fibras nerveas in tendinibus vidi; interim satis manifestum est non adeo multum inde posse concludi, & praeterea ipse SWIETENIVS fatetur, tendines involucris suis tectos ferre sine magno malo ut trahantur imo consuantur: sed in ipsis his involucris LEEUWENHOEKIUS raras suas & superficiales fibras vidi, at nihil quidquam in tendine involucris suis nudato. Ex analogia etiam concludit SWIETENIVS necessarium esse, ut tendines laesi similia cum nervis

pa-

(*a*) Epidem. L. V.(*b*) Com. in Aph. BOERHAAVII. T. I. p. 241.(*c*) I. c. l. 214.

## DE IRRITABILITATE.

patiantur mala, fibrillae enim tendinum Illi videntur continuationes esse fibrarum musculosarum, quae itidein videntur nervis musculos ingressis originem suam debere. Boerhaaviana theoria est: sed cur ob hanc rationem musculus non majori periculo laeditur quam tendo, cui tamen cum nervo secundum SWIETENIUM major est similitudo & propior a nervis ortus?

## §. XIII.

Caput tandem rei est, ut ostendam tendines non tantum absque convulsionibus & hujusmodi malis laedi, sed omnino plane esse insensiles; sic edoctus ab ipsa natura, quae unica nobis magistra & nunquam fallax. Ad unum titulum refero quae toties in diversis animalibus observavi.

## EXPERIMENTUM.

In vivo cane denudavi teudinem Achillis, irritavi scalpello, butyro Antimonii, oleo Vitrioli, punxi, per medium longitudinem secavi, nulla convulsio, nullus clamor, ne minimum quidein apparuit doloris signum. In eodem deinceps cane irritavi nervos, secutae semper convulsiones earum partium, manifesto indicio quantum differat natura teudinum nervorumque. Experimentorum magna copia hac de re in canibus, felibus aliisque animalibus captorum semper idem erat effectus, nunquam diversus ab eo quem descripsi, nec moratur quod oleum vitrioli tendines resectos, si minores sint, in contractionem suscitet valde vehementem, idem enim in haedo 24. post mortem horis in tendine musculi plantaris observavi, imo vero in filo paulum acri tacto idein evenit, hinc phaenomenon ab ipsa caustica olei illius vi derivandum.

## §. XIV.

Quid tamen omnes fere medicos induxit ut tendines crederent adeo sensiles esse, adeo periculose laedi? Vis demon-

monstrationis non in eo est ut hoc ostendam, qui per experimenta jam manifestum feci tendines plane esse inseniles. Interim quaedam superaddi possunt: Puncturas tendinum in infausta venaesectione plerumque sequuntur gangraenae, sed hoc non a tendinibus repetendum, sanguis enim inter fascias aponeuroticas effusus cum copiosa pinguedine cito putrescens id efficit. Gravissima mala quae unquam puncturas tendinum dicuntur excepisse, sunt: Dolor enormis per totam volam manus, carpum, cubitum, ad humerum usque, inflammatio saevissima in subitam gangraenam tendens per omnia haec loca late sparsa, febris acutissima, phrenitis, convulsiones, mors tandem post aliquot dies: & haec omnino a levi vulnere digitorum ultiinis phalangibus inficto dicuntur consequi; Sed quis dixerit nullum esse in tali casu laesum nervum? An non inflammatio inde tam late sparsa? Dum enim nervus laeditur, orta convulsione, sanguinis transitus ab hac nervorum strictura impeditur, inde gangraena. Sed quomodo haec a tendine explicares?

## §. XV.

De tendinum natura sunt imo eorum continuationes, expansiones quae dicuntur *aponeurotiae*, late per corpus humanum patentes, has autem eodem insensibilitatis gradu gaudere eo minus ideo mirum erit. Non desunt tamen historiae unde colligi potest, ut vulgo creditur, valde periculose laedi, ipse BOERHAAVIUS (<sup>a</sup>) eadem mala tribuit quae tendinibus nervisque propria esse existimat, addit *Commentator*, fasciam latam levi punctura laesam enormia producere mala, idemque appareat in aponeurosi bicipitis in brachio: meatum auditorium investientem membranam si tumore inflammatoryo distrahatur intolerabilem excitare dolorem

(<sup>a</sup>) Aph. 165.

rem, delirium imo saepe mortem inde sequi,, sed ad haec respondeo, per demonstrationes Ill. HALLERI me tenere non raro in brachio eam esse fabricam ut impossibile sit venam secare quin aponeurosis pertundatur, sequi quidem inde erysipelata imo aliquando gangraenas & febrem, verum est; at gangraenae sunt a sanguine effuso, ex his lacesuntur nervi, inde febris. Haec autem mala a materie effusa esse manifesto demonstratur, quod symptomata post aliquot demum dies elapsos sequantur, non subito, quod iterum observavit Ill. HALLERUS. Membrana autem meatus auditorii cur adeo vehementer doleat ipse ostendit BOERHAAVIUS, (b) dolorem acutissimum ad nervos referens, qui magna copia per hanc membranam incedunt: ortos & a duro & a quinto nervorum pare & a cervicalibus. Nescio ergo, cur BOERHAAVIUS ejusque commentator SWIETENIUS inde ad sensibilitatem aponeurosum inferant, cum tamen unus & alter hinc inde nervos accuset, (c)

### §. XVI.

In sensilitatem aponeurosum confirmat observatio.

### EXPERIMENTUM.

In cane aponeurosin muscularum abdominis oleo vitrioli tetigi, sed nullus inde apparuit doloris sensus. Non dissimulandum tamen quod aliquando in experimentis meis evenit: aponeurosin nempe psoae musculi in cane ab instillatione olei vitrioli in constrictionem suscitataam fuisse, sed hoc quiesim musculo tunc tribuebam, facile enim oleum vitrioli se indnubat per illam expansionem, quae hoc in loco valde tenuis erat, hinc constricto musculo necessario constringebatur membrana illam investiens, & forte erat phoenomenon quale §. XIII. excitavi.

### §. XVI.

(b) Praelect. Vol. IV. p. 329.

(c) B. l. c. S. ad Aph. l. 165.

## DE IRRITABILITATE:

17

### §. XVI.

*Pulmones, Hepar, Lien, Renes* destituuntur irritabilitate.

### EXPERIMENTVM. I.

In cane pulmones irritavi scalpello dum adhuc vigebat respiratio, irritavi oleo vitrioli, in priori casu nullo modo contrahebantur, in posteriori omnino, quod etiam factum est exstincta ipsa irritabilitate intestinorum.

### EXPERIMENTVM. II.

Hepar in cane ab oleo vitrioli nunquam contrahebatur, nec in inure. Idem in Liene evenit, quem scalpello oleoque vitrioli varie tentavi absque ullo contractionis indicio.

### EXPERIMENTVM. III.

Renes in cane, exterius instillato oleo vitrioli satis iste contractionem suscitabantur: Transversim incisi intus veneno tacti minus bene, sed scalpello irritati nihil patiebantur. in inure varie irritavi, sed nullum inde percepi motum.

Fabrica pulmonum cellulosa est, adfirmat quidem reticulum fibrarum pulmonis musculosarum se vidisse BREMONDUS, sed in homine nihil tale satis certo adparuit Ill. HALLE RO per tot experimenta. Illa autem in meo experimento constrictio eadem est, quam in omni cellulosa, adipe &c. ab oleo vitrioli observavi, non ad vim pulmonibus insitam pertinens, quam diu jam contra auctores explodit Ill. HALLERUS, (a) & quis diceret pulmones supervivere intestinis.

(a) C. B. p. 51. seq.

## DE IRRITABILITATE.

nam in Exp. I. ab oleo vitrioli contrahebantur dum omnis jam exstincta esset intestinorum irritabilitas? Pulmonibus irritabilitatem tribuit Cl. L U P S (b) „ tunica enim bronchiorum interior, ait, multis gaudet fibris, ac pulmones uti aliae musculares partes arteriis venis nervisque sunt instructi „ Sed hic de bronchiis, arteriis, venis, nervisque agit Cl. Vir, non de pulmonibus. Neque de renibus mirum est, quod in uno experimento ab oleo vitrioli se contraxerint; extus circumpositam habent cellulosam fabricam, adipem plenam, qui in brutis in primis durus est & figurabilis (uti nuperioribus experimentis nunc etiam in muliere invenit Ill. H A L L E R U S) quare hinc & per priora intelligendum erit phoenomenon. Quod autem intus contractio minus bene evenerit, ideo factum est quod adipis ibi minus adsit: vero adipem interiora renum destitui dixit quidem BOERHAAVIUS, sed in canino renis sinu, quo homo destituitur, concretam pinguedinem vidi EUSTACHIUS (c). Uno rene irritato, in cuniculo satis diu post mortem, alterum in motum se fuscitasse (d) mihi narravit Ingeniosissimus amicus meus RODOLPHUS DAVIDITH; sed hoc ad nervos referendum quorum irritabilitatem diu a morte superesse toties vidi, uti ex sequentibus patebit, quando de nervis mihi erit sermo.

## §. XVII.

De irritabilitate *fibrae muscularis* nullum dubium est; apud celebrem G L I S S O N I V M (a) jam reperitur, fibras muscularum in animalibus defunctis, acribus & pungentibus liquoribus tactas se contrahere; imo oscillatio spontanea fibra-

(b) l. c. p. 19.

(c) conf. C. B. III. 102.

(d) dum alia agens, experimenta circa *mutationes fetus in utero* instauraret, de quibus magna merito est exspectatio.

(a) de *Ventr. & Intest.* Op. T. III. p. 170.

## DE IRRITABILITATE.

19

fibrarum **VIRGILIO** videtur nota fuisse (*b*): **WEPPFERUS** omnem fibram ea vi praeditam esse dicit, quae promptissimam reddat ad contractionem ex quovis stimulo, quo cessante de in brevi quoque relaxetur (*c*). Observata mea sunt sequentia.

### EXPERIMENTVM I.

In cane musculos abdominales, psoas, oleo vitrioli vidi contractos, immo in cane in oriente scalpellum saepe sufficiebat quod irritabilitatem suscitaret, quae tamen prae caeteris musculis in diaphragmate subsistebat, vidi enim ejus musculum, ab irritatione cum scalpello facta, post mortem adhuc contractum.

### EXPERIMENTVM II.

In mure omnes musculi, plumula oleo vitrioli madida, irritati vehementissime contrahebantur. Resecui etiam musculum abdominalem, suspensum tenui de volfella, tetigi in parte volfellae proxima oleo vitrioli, sic pars inferior ad superiorem accedit mire simul in spiras se contorquens.

### EXPERIMENTVM III.

Ex mure partem thoracis cum musculis suis quatuor circiter vel quinque lineas longam disposui in mensam, instillavi olei vitrioli guttam, sic valida orta est contractio, ut una costarum extremitas ad alteram accederet.

§. XVIII.

(*b*) Tergora diripiunt costis & viscera nudant  
Pars in frusta secant, veribusque *trementia* figunt.  
*Aeneid. lib. 1.*

*Trementia* i. e. palpantia adhuc.

SERVIVS interpres.

(*c*) de cicta p. 3.

## DE IRRITABILITATE.

## §. XVIII.

Sed & alia muscularum contractio est, spontanea, a morte observabilis, in corde maxima, absque ulla nervorum operatione subsistens; hanc suo loco per experimenta demonstrabo, illam in variis partibus de corporibus animalium resectis videbunt auctores, ut WOODWARDUS (*a*) in massetere bovis, cuius frustum super orbem stanneum depositum varie vidit moveri idque satis vehementer, post horam iterum accedens, parte interim fere penitus frigefacta in motu tamen hinc inde in fibris reperit subsistere, debiliorem tamen quam in priori experimento. Apud BAGLIVIVM (*b*) invenio musculi femoris, de anate vel haedo resecti fibras, immotis tendinibus, in medio musculi vivido motu agitari, oscillare, ac continuo crispari, oscillationem in centro musculi ortam undatim ac velocissime desinere motu quodam veluti tremulo ac verticoso in tendines. HARDERUS (*c*) in ciconia emortua sed calente adhuc, dum secaret, motus convulsivos undulantibus in muscularis pectori incumbentibus observavit.

## §. XIX.

Probe tamen distinguenda vitalis fibrae muscularis contractio a naturali, irritabilitas ab elatere simplici, cuius etiam oleum Vitrioli posset esse causa. Sunt, motus qui sponte oriri videntur, dum tolluntur resistentiae resectis antagonitis, &c; inde phoenomena in facie eorum qui capitali suppicio recenter sunt enecti: In animalibus strangulatis etiam observavit BOERHAAVIUS dum funesto fuisse

(*a*) *v. Papers of Mr. WOODWARD published by B. HOLLO-WAY in Introductione ad ejus History of the Earth. p. 73. 74.*

(*b*) *de fibra motrice Op. p. 317.*

(*c*) *Apiario obs. p. 2.*

## DE IRRITABILITATE.

21

suspensa nunc exspiraverunt, aliquando musculum aliquem subito moueri. (a) Aliud superest phaenomenon huc pertinens, COWPERUS (b) in arteriam cruralem cadaveris canini aquam tepidam injecit, sic subito inde natū motus muscularum varii, ad quos vadebat haec arteria: sed actionem hanc mechanicam esse ab aqua in cellulosam telam effusa, quae & musculos & cutem ita in rotunditatem extendit ut non possint non breviores fieri artus, demonstravit Ill. HALLERUS; ipse etiam vidit riguisse a repletione corpus universum ad statuae similitudinem, manusque distentas vicina corpora percussisse.

### §. XX.

Nihil nostro aevo vulgatus est motibus illis insectorum, qui adeo diu a morte supersunt, & qui utique huc pertinent; polypus ex. c. nec cerebrum habet nec nervos, movetur tamen & vivit: idem per experimenta LEEUWENHOEKII verum est de pulice, qui tanto tamen robore gaudet, ut uno saltu ducenties longitudinem proprii corporis superare possit. Irritabilitatem hujus generis animalculorum curiosius paulum in eruca observavi.

### EXPERIMENTVM.

Erucae caput amputavi hora VI. vespertina, irritavi truncum, fiebat conglomeratio partium quae violenti motu ad se accedebant. Hora XI. jam debilior erat vis contraria, cum simpliciter scalpello irritarem, sed iterato experimento cum scalpello ad candelam calefacto, contractiones fiebant omnium maxima. Altero mane h. VI. iterum irrita-

C 3

vi,

(a) Pral. III. 490.

(b) v. myologiam reformat. in Introd.

## DE IRRITABILITATE.

vi, contrahebatur sic ut una extremitas ad alteram accederet, minori tamen vi quam praecedente die. VI. 5.<sup>o</sup> sponte movebatur absque ulla irritatione; h. VIII. contractio fiebat dum irritarem, uti h. 6. IX. irritavi scalpello calefacto, contrahebatur vehementissime; X. motus adhuc vehementior ex eadem causa; X. 40.<sup>o</sup> motus uti antea, sed perdurabat aliquantum absque praegressa irritatione; I. 51.<sup>o</sup> adhuc supererat irritabilitas, dissecui tunc truncum in duas partes, destruebatur motus in parte a capite remotiori, paulum supererat in parte capiti propiore, at non ita multo post evanuit.

## §. XXI.

Cum tanta itaque in musculis ad motum adest habilitas, non solum contractio vividissima ad praegressam irritationem, sed etiam motus spontaneus a morte aliquando observabilis. & in primis cum in pulice tanti effectus absque nervis producantur, an non ideo ad irritabilitatem fibrae muscularis referendus motus muscularorum? Vis contractilis muscularis infita debilis est, nec ad magnos illos motus qui soli ab integritate nervorum pendent sufficit, in nervis ergo quaerenda vera causa hujus actionis: non moratur enim objectio quae forte a pulice poterit defumi, alia haud dubie ibi obtinet fabrica, & tanta omnino in illo animale forsan est irritabilitas fibrae muscularis, quae tantis effectibus sufficiat, non enim aequali ratione sese habet in variis animalibus; diversa etiam in diversis cuiusvis animalis partibus: alia est irritabilitas muscularum quorum ope artus moventur, alia diaphragmatis, alia cordis.

## §. XXII.

## §. XXII.

De irritabilitate arteriarum non omnibus eadem stat sententia. Elater simplex ut adgnoscatur, digitus tantum arteriae majori inmittendus, quem ita distenta valide comprimit; haec autem digitii compressio rem non perficit, et si ad irritabilitatem illam referat Cl. LUPS, (a) id enim semper facit quoties a morte placuerit experimentum repetere, ut ita hac ratione irritabilitati nullus plane esset terminus. Vim arteriarum contractilem contra Praeceptorem nostrum Ill. HALLERUM negavit Clar. LANGGUTH, & contendit illas mere passive se habore dum circulum suum obit sanguis, cordisque vim solam esse quae illum in venas urgeat; sed varie per experimenta demonstravit P R A E C E P T O R, nihil veri inesse sententiae adversarii. (b) A morte inflatae arteriae flatum expellunt; arteria infra ligaturam in aneurismate evacuat et si nihil adest, quod motum cordis communicet; secta arteria in equis, sanguis in fistole arteriae majorem describit arcum; orificia in vulneribus sponte clauduntur, dum arteria dissecta se corrugat & in plicas, deleta cavitate, per totam longitudinem convolvitur; convulsive etiam contrahitur in animale cui pertusa est, per experimenta Cel. D<sup>r</sup> de S A U V A G E S; & in infinitum dilateretur si nullam haberet vim contractilem. Deinde etiam in rana, quando cor desit pulsare, circulatio superest in vasis mesenterii, lentior quidem, sed per microscopium conspicua; WOODWARDUS (c) in branchiis piscis Musculi resectis, globulos sanguinis armato oculo manifestissime vidit moveri, nec unquam melius in quacunque parte cum corpore adhuc cohaerente; idem secundum

WOOD-

(a) diss. de irritabilitate. p. 19.

(b) Physiolog. p. 62.

(c) l. c. p. 101.

## DE IRRITABILITATE.

WOODWARDUM, licet minus bene, observari potest in branchiis mytuli; vidit etiam in cauda gobionis, moveri globulos sanguinis, decem minutis postquam resecta esset. Apparet ergo ipsis vasis inesse vim contractilem, non a corde nec a cerebro pendentem, cuius ope circulus sanguinis promovetur, hanc autem in fibris arteriarum subrubellis muscularibus quaerendam esse ultro patet. Non ideo tamen nego vim contractilem arteriarum multum adjuvari a nervis per arterias interibus easque etiam circumdantibus, ab ill. HALLERO adeo egregie in liquidum deductis; propria quidem & insita vis est fibrae musculari, diversa a simplici elatere, sed absque nervis tantos nullo modo producere posse effectus, satis ex sequentiibus, ni fallor, manifestum fiet. Supereft ut mentionem faciam eorum quae in meis sectionibus contigit videre, non talia sunt quae robur addant prioribus argumentis & meliora forte exspectabit acutus Jūdex, praestat tamen non omississe.

## EXPERIMENTVM I.

In cane aortae partem cum corde exēmi, irritavi a parte interna prope cor, oleo vitrioli, sic lumen ad unam tertiam partem diametri factum est minus. In lumbis supra divisionem aortae irritabilitatem inveni minus validam, oleo vitrioli eadem ratione instillato.

## EXPERIMENTVM II.

In mure aortae partem cum corde exēmtam manifesto ab oleo vitrioli vidi constrictam.

## EXPERIMENTVM III.

In alio cane cum aorta non successerunt experimenta tardius instituta, cum ubivis fere extincta esset irritabilitas, manifesto arguento contractiones in experimentis praecedentibus excitatas non adeo a veneni vi pendere quam ab ipsa vi vitali.

§. XXIII.

## §. XXIII.

Irritabilitatem *venarum* aliquam esse theoria suadet, demonstrat observatio. De fibra musculari per priora constat, si in venis demonstrata fuerit, res utique erit valde probabilis; non eo tamen in inquirenda venarum fabrica peruerterunt Anatomici ut ratiociniis ex analogia plane possint abstinere, interim tamen ad maiorem certitudinem opem ferunt experientia physiologica. Fibrae circulares quidem non ad oculum demonstrari possunt in venis minoribus, manifestum tamen est venas constringi, & non ideo denegandae sunt, in arteriis enim quis negabit fibras? sed nullo modo conspicuae sunt iu arteriis digitorum. Verum utique est, nec oportet dissimilare, rara esse loca in membranis venarum in quibus, fatente ipso Ill. HALLERO, demonstrat fibras musculares, (*a*) sed manifestissimas tamen idem Ill. Vir circa cor vidit, ubi mediae inter tunicas venosas sinus decurrent, profectae ex auriculis, rubrae, musculosae, diversae a fibris venae propriis, quarum aliae orbicularis, ostia venae cavae superioris atque inferioris ambeunt, aliae diverso more obliquae ex ipsa aure per sinum sunt continuae; interim tamen ita inminuantur hae fibrae in decrescente vena, ut in venis brachii haud amplius possint demonstrari. Fibras venarum longitudinales, rubras, manifestores in bove vidit quam in homine Ill. SENNAC, (*b*) circulares negat unquam adesse; sperarem tamen per ulteriora experimenta ipsum inventurum, qui tot alia, eaque longe majoris momenti, adeo acute vidit. His ita consideratis progressum aliquem feci, ad enarrandas meas observationes, quae multa in liquidum constituent; nihilominus tamen & ex his modeste erit inferendum.

EX-

(*a*) *physiolog.* p. 20.(*b*) *Traité du cœur.* T. I. p. 254.

## DE IRRITABILITATE.

## EXPERIMENTVM I.

In cane, hora post mortem, venam cavam leviter tetigi plumula oleo vitrioli madida, constrictio fiebat satis vehemens: Idem experimentum eodem cum effectu feci in venis iliacis.

## EXPERIMENTVM II.

In alio cane, sed tardius a morte, venam cavam inferiorem eadem ratione in parte externa irritavi, nulla inde secuta constrictio: incidi & intus in eodem loco irritationem institui, sic omnino constrictio secuta satis manifesta.

## EXPERIMENTVM III.

In alio cane, vena cava ex parte interna veneno tacta, validissime contrahebatur. In mure, venam cavam, venas iliacas, a levi plumulae, oleo vitrioli intinctae, ad tactu manifesto vidi constrictas.

## EXPERIMENTVM IV.

In alio mure, ex eadem causa, idem erat effectus in vena cava, renalibus, iliacis. In eodem mure, venam cavam a summa lumiborum sede deorsum cum venis iliacis de partibus circumjacentibus separavi, excidi, disposui in mensam, tetigi oleo vitrioli variis in locis, constrictionem observavi manifestam ubivis absque exceptione.

## EXPERIMENTVM V.

In cane juniori, motu cordis valde languido, intestinorum motu peristaltico non solum sed ipsa eorum irritabilitate plane emortua, venam cavam superiorem, a corde sursum ad primam divisionem, satis diu vehementer vidi contrahi & iterum relaxari. Ordo phoenomeni talis erat: motu cordis sa-

tis adhuc vegeto (nam antea circa alia versabar experimenta, nec hucusque venam cavam inspexi) venam cavam vidi quidem pulsare, rythmis tamen manifesto minoribus, quam qui mox insequebantur: motu cordis sensim magis languescente, contractiones & relaxations in vena siebant celeriores & fortiores, per horae dimidium durantes, postea rariores sensim sensimque & debiliores, ad perfectam usque quietem.

### §. XXIV.

An ideo pulsus venis tribuendus? non defunt experientia (praeter modo recensita) quae primo saltem intuitu id suadent. Observationes recententur apud Illustrem BOERHAAVI Commentatorem (a) ut inutile sit ex pagina in paginam transcribere, interim alia longe illis tribuit Vir in invenienda veritate felicissimus „ Motus venae cavae a morte superstes, ait, a N. STENONI copiose observatus est, ut manifestum esset, fibras transversas venae cavae se constringere sanguinemque propellere &c. verum nuperioribus experimentis satis manifesto puto didici, cavae venae praeter rem hanc vitae diutinatem tribui, ejusque pulsationem a corde esse, quod sanguinem non retinentibus valvulis in utramque cavam repellit „ Vixum est etiam venas pulsasse, ab obstaculo quoconque nato, ut polypo vel similibus; fit etiam ut venae pulsent, quando magnas recipiunt arterias, sed haec nihil mutant. Deinde per ipsum Experimentum V. ni fallor, confirmatur sententia venerandi PRAECEPTORIS. Ratiocinium meum hoc est: In ea ratione qua motus cordis inminuebatur, ad certum punctum temporis crescebat motus venae cavae; corde dein semper magis & magis languescente, rythmi venae cavae ab illo punto iterum decessabant. Nunc secundum Ill. HALLE-RUM, pulsatio venae cavae a corde est, quod sanguinem non retinentibus valvulis in cavam repellit „ Ideo quo propius est morti cor, eo magis augetur causa retropulsionis, frigus enim

## DE IRRITABILITATE.

visque contractilis venarum, sanguinem magis & magis semper accumulat in corde, quo plenius est cor, eo minus aptum est in hocce statu sanguinem retinere, repellit ergo: quo magis repellit, eo magis increscit pulsus venarum: Interim vis contractilis venarum, quae sanguinem in corde accumulat, emoritur, emoritur ipsa vis cordis, cessat actio & reactio, rythmi venarum decrescunt, donec nulli fiant.

## §. XXV.

Cum ergo per priora non liceat in eam sententiam transire, quae venis pulsuum tribuit, non possum tamen non motum aliquem peristalticum illis adferre, qui a pulsu non videtur nisi gradu differre: Experimenta superius excitata rem videntur manifestam reddere, nec valde improbabile est tam motum ad sanguinis circulationem aliquid facere. Idem adminiculum in ductu thoracico adhibuit NATURA, qui eo magis illo indigebat, quo minores sunt causae chylo impulsu praebentes.

## §. XXVI.

*Vasa lactea, ductus thoracicus* suam habent irritabilitatem, proprio enim motu peristaltico sit, quod in homine & in animalibus modo conspicua mox evanescant, frigus enim non est quod chylum a morte propellat, nam alias fomentis calidis retineri possit: Venenum viperinum absque ulla noxa absorbere possumus, sed si minima guttula ad sanguinem perveniret exitio nobis verteretur, an ergo in priori casu vasa lactea ad appropinquationem veneni constringuntur, sive id per sphincteres nerveos fiat, sive propria vasorum vi contractili? Experimenta de irritabilitate ductus thoracici non caepi, cum jam caepisset Ill. HALLERUS: constringebatur ille, veneno tactus, in inure, & penitus se evacuabat.

## §. XXVII.

## §. XXVII.

Nervis originem praebet *Encephalon*, hujus ergo irritabilitas prius consideranda, antequam ad reliqua perveniam.

## EXPERIMENTUM I.

Cerebri corticem in variis animalibus irritavi omni modo, sed nullus inde apparuit dolor, nulla convulsio.

## EXPERIMENTUM II.

In cane, scalpello ad basin cranii usque defixo, convulsiones semper sequebant universales, eimprosthotonus, opisthotonus. Eadem in fele apparuerunt.

## EXPERIMENTUM III.

In rana, hora ante meridiem XI. per cerebrum acum defixi, conveltebatur, sed non adeo fortiter. Cerebro integre extinto, convulsiones siebant universales per totum corpus, iteratis vicibus; 15 abhinc minutis aliquoties rana clamavit, XI. 25.<sup>3</sup> tres maximos fecit saltus. XII. 40.<sup>3</sup> homi jacentem in dorsum projeci, at illa priorem situm sponte recuperans paulo post unum alterumque fecit saltum. I. 46.<sup>3</sup> digito meo irritata, maximos ad saliendum fecit conatus. II. 43<sup>3</sup> ex irritatione in digitis pedum, vehementer excitabatur. III. 13<sup>3</sup> Frigida excitavi affusa, sic aliquot fecit saltus eosque satis fortes. Immersi dein ranam in aquam calidam, omnia inde siebant rigidissima. Observationes quas postea in corde feci alibi recensebo.

## EXPERIMENTUM IV.

In alia rana, hora II post meridiem exscidi cerebrum, ut nihil superesset; rana in pavimentum projecta repit, quasi nihil illi accidisset, III. 15<sup>3</sup> ex levi irritatione repit. III. 17<sup>3</sup> sponte repit. III. 30<sup>3</sup> repit iterum, per satis longam viam. III. 45<sup>3</sup> repit.

repit. III. 50' iterum. IV. 5' iterum. IV. 15' vividior jam. IV. 30' repit. IV. 40' saltum fecit. V. 45' repit. VIII. 15' iterum repit. VIII. 25' it: VIII. 40' iterum. Altero mane omnia rigescabant.

## EXPERIMENTVM V.

Alia rana, capite post meridiem h. II. 20' abscisso, humi projecta, tres quatuorve maximos fecit saltus. II. 30' scalpello paulum in femore irritata, longissimum iterum fecit saltum. III. 15' eadem aliquoties evenerunt, III. 45' eadem ratione. IX. 25' sponte fecit saltum. X. 10' sponte sese motitabat, X. 17' iterum sponte movebatur. Altero mane omnia erant rigida. Alia rana, capite subito resciutto in vehementissimas incidit convulsiones.

## EXPERIMENTVM VI.

In Carassio pisce, exerto corde, scalpellum defixi in cerebrum, sic convulsiones ortae vehementissimae, per aliquot minuta perdurantes.

## EXPERIMENTVM VII.

In columba cerebrum & cerebellum exenti, haec subito inde periit, absque ullo vitae superstitis indicio.

## EXPERIMENTVM VIII.

In alia columba exenti cerebrum, sic per aliquot minuta pedibus potuit insistere, & per 15. minuta convellebatur emprosthotono & opisthotono correpta. Oculi semper vividi manebant. Cerebello exento, subito periit.

## §. XXVIII.

Similia in ranis vidit Cl. de BREMOND (*a*), habet etiam WOODWARDVS. (*b*) Gallus Indicus capite resecto ivit, cincirrit, ad murum proveniens retrogrediebatur, alas concutiebat &c. teste oculato PHILOSOPHO POTSDAMensi. (*c*) Muscas abscisso capite avolare, imo octo decimve abhinc horis currere, nemini non notum est. Vespa diu post resectum caput, visae sunt eodem virulento cum effectu punxisse. BOYLEVS viperas, duobus, tribus diebus, post resecta intestina, cor & caput, con torqueri & convolvi saepe observavit. (*d*) In natrice torquata, resecto capite, eadem fere apparuerunt WOODWARDO; (*e*) imo vero BOYLEVS (*f*) inter papilionem marem & feminam, quibus capita erant resecta, ultimos naturae lusus, minus perspexit: observatio notatu dignissima est, quare eam propriis magni viri verbis narrabo, ne forte sexui feminino injurius videar. „Quamvis enim mas cui primum amputatum est caput, nequaquam adduci posset (quaecunque Insecti illius est salacitas) ut feminam comprimeret, decollata tamen femina, marem alacriter admisit. Et licet post horas aliquot coitu insueltas ita requierit immota, ut mortuam per multas horas cogitarem - - . Tandem vero postquam jam diu de vita esset desperatum, ova fetare tam confertim coepit, ut vel exiguo

(*a*) Conf. *Memoires de l'acad. R. des sc.* 1739. p. 348. verba haec sunt: *J'ai vu une heure après avoir séparé le cœur & tous les viscères d'une grenouille, la grenouille que j'avois couché sur le dos se tourner & sauter pour s'enfuir. Dans une autre dont j'avois coupé le cœur la tête & tous les viscères, j'aperçus du mouvement dans les cuisses, dans les jambes & dans les bras.*

(*b*) I. c. p. 90. - -

(*c*) v. *l'homme machine.* p. 73.

(*d*) *Usefulness of experimental Philosophy.* Operum T. I. p. 467.

(*e*) p. 82. seq.

(*f*) I. c.

## DE IRRITABILITATE.

exiguo temporis intervallo, eorum plura in manu mea depone-  
ret, an vero prolifica sint futura-, nondum comperi.,,

## §. XXIX.

Multa in his habentur quae doctrinam generalem de ir-  
ritabilitate possunt illustrare; apparet per haec iuprimis ex-  
perimenta, aliquid in corporibus animalium esse principium  
motus, non adeo ab integritate cerebri pendens, sed in ipsa con-  
stitutione partium quaerendum. Equideum contra me esset as-  
sertum BOYLEI (*a*) „ ranas, licet exempto corde possint su-  
pervivere, minime tamen se sustinere, laeso vel exempto cerebro,,  
Sed id omnino fieri posse, per experimenta mea supra recensita  
patet, hinc adeo non moratur haec objectio, ino vero licet  
longe major sit in his animalibus ad motum habilitas quam  
in homine , non desunt tamen exempla infantium, qui per ali-  
quot dies vixerunt et si cerebrum & cerebellum plane defue-  
rit; notat tamen ILL. HALLERVS (*b*) in omnibus historiis  
corporum quae absque cerebro & cerebello reperta sunt, per-  
petuum esse , in fetu id fuisse visum „manifesto documento,  
talem jacturam tunc demum tolerari, quando nullae animae  
functiones, nulli sensus, neque ordinati motus requiruntur, et  
ipse demum sanguis primus motuum auctor non inquilinus est,  
sed a matre accedit,,

## §. XXX.

Hac occasione non possum non etiam monere WOOD-  
WARDVM in experimentis suis me longe fuisse feliciorem:  
Dicit enim (*a*) se observasse ranas post exemptum cerebrum  
audire, videre, sentire, ad quemvis strepitum timore percel-  
li, oculis plerunque esse apertis, ad quascunque ininas peri-  
culum sedulo effugere &c. Oportet certe ranas illas angli-  
cas

(*a*) I. c. p. 467.

(*b*) C. B. II. 625.

(*c*) v. HOLLOWAY'S *Introduction* p. 89. 90.

cas valde ingeniosas esse, quae absque cerebro tanta praestant, licet ego ignorem undenam id sit derivandum, & quid absque cerebro sit ingenium; WOODWARDO quidem non difficile videtur, dicit enim (*b*) per experimenta sua manifestum esse, principium vitae, sensus, motuumque animalium in ipsis partibus existere, quae vivunt, sentiunt, moventur, nec ullo modo cerebri ope indigere. Sed hic primo monendum est, ranas quas ego in Germania scalpello meo subjeci, cerebro, vita, sensibusque integerimis, longe minus sapientes fuisse anglicis illis, immo vero si secundum Cl. MEYERUM verum est, quodcunque animal animam suam habere, cum unus ex principibus finibus CREATORIS sit, ut mundus cogitetur, oportet certe per mea experimenta, quae WOODWARDO obpono, animam raninam in scala animarum gradum infimo proximum tenere, saepius enim iterata observatione nullo modo efficerre potui, ut integerima vita ullum ederent signum timoris, quid dicam? ut ab adspectu minarum mearum percellantur: currunt, saltant, ruunt qua data porta, verum est, hoc ranis datum; sed adeo ad singulares ideas adtentas esse, ego non vidi, nec id observavi, quod RETITUS ait „ranarum oculos aliquot a morte horis perinde hinc inde moveri, uti in vita solebant (*c*) „Sensorium ubique esse praeter WOODWARDUM etiam aliis auctoribus placuit, sententiam autem observatis contrariam esse, per nubem testium demonstravit Ill. HALLERUS (*d*), & nuper denuo mihi confirmavit praestantissimus

(*b*) l. c. p. 103.

(*c*) *Memoires de l'academie des sc.* 1737.

(*d*) C. B. II. 596. & IV. 428.

## DE IRRITABILITATE.

stantissimus amicus D. C. SCHOBINGER Doctor (e) Medicus St. Gallensis, qui adeo magna sua cum laude Dissertatione de *Telae cellulofae in fabrica corporis humani dignitate Orbi eruditio innotuit, quam & propediem recudi curabit Praeceptor ejus amantissimus Ill. HALLERUS.*

## §. XXXI.

Non praetereundum est in experimentis meis (a) rannam exento cerebro aliquoties clamasse, cum satis notum sit, integratatem vocis, in homine saltem, a cerebro pendere; nervus recurrens si in uno latere ligatus fuerit, vox dimidio perit, rauca fit: si in utroque latere ligatur, perit integra. Non ignoro experimentum BOYLEI (b) in ranis factum, qui thoracem vel abdomen leniter digito comprimendo talem efficerem potuit sonum, qui coaxationi simillimus erat. Interim cerebro non privatae erant, causaque efficiens manifesta est.

## §. XXXII.

(e) in *Epistola* quam ad me scripsit Cl. Vir. En ejus verba „Nuper in aliquem Turgoviae pagum vocatus sum pro manu & cubito sphacelato dijudicando, qua ergo parte puellum necessario privare ope amputationis oportuit, quae etiam feliciter, a Chirurgis praesentibus est peracta, duos supra articulum ossis humeri cum ulna & radio digitos, quo usque nempe omnia ad os usque denigrata planè & sine omni sensu erant, ut resuscitare partem impossibile fuisset. Puer duodecim annorum fortiter chirurgiam hanc sustinuit & evasurus nunc videtur, manu dextra privatus - - - Elegans erat videre in isto puerō veritatem observationis quae in collegiis chirurgicis solet allegari; quaerebatur nempe misellus, se dolorem prurientem sentire in pollice & digitis aliis, manus suae rescissae, perinde ac si adhuc adesset, *manifesto animae in cerebro sentientis argumento, non vero in partibus ubi ab externis adficiuntur objectis...*,

(a) v. Exp. III. § XXVII.

(b) l. c. p. 467.

## §. XXXII.

Ex irritatione *medullae spinalis* phoenomena observavi quae sequuntur.

## EXPERIMENTVM I.

Medullam spinalem in rana, intra vertebram colli primam & secundam irritavi scalpello, convulsiones sequebantur universales.

## EXPERIMENTVM II.

In alia rana, cerebro jam exēmto, plumulam adegi in thecam vertebralem, sic etiam ortae sunt convulsiones universales, desinentes in convulsiones pedum.

## EXPERIMENTVM III.

Muri acum adegi inter vertebram primam & secundam colli, sequebatur statim mors, absque ullo tremoris indicio.

## EXPERIMENTVM IV.

In cane, cerebro jam varie perforato, scalpellum per medullam spinalem intra vertebram colli secundam & tertiam intrusi, (transversum integre resecta medulla, uti postea per sectionem didici) convulsiones fiebant non adeo manifestae, uno vero per aliquod tempus respiratio adhuc superstes erat.

## EXPERIMENTVM V.

In alio cane, scalpello per intervallum vertebrae colli secundae & tertiae in medullam spinalem adacto, convulsiones secutae universales: his cessantibus canis diu adhuc os claudebat & aperiebat. Respiratio interim semper pergebat, debilior tamen.

## EXPERIMENTVM VI.

In carassio pisce, exerto corde, destructo cerebro & convulsionibus inde ortis, nunc cessantibus, uno ictu incidi transversim medullam spinalem, conveltebatur iterum satis fortiter.

## §. XXXIII.

Progressum facio ad *nervos*, in quibus summa ad motum habilitas eo magis erat necessaria, quia omnes fere in corpore animali motus inde pendent: Non ignoro quae de viribus cordi & in universum fibrae musculari insitis dici possunt, unde omnino nervi excluduntur, sed alibi ea ponderari animus est; haec tamen hactenus recipi possunt, nervorum ope omnes fere partes ad motus suos producendos indigere, nervis enim destructis per exiguum tempus illi supersunt. Quo major etiam ratio nervorum ad partem quamcunque, eo major ejus sensibilitas, hinc probabile visum est, in piscibus olfactum fieri in ore, quia majorem ibi numerum nervorum habent quam in toto reliquo corpore (*a*). Quantum de integritate nervorum deficit, tantum deficit de sensu vel motu. Alios autem nervos esse qui sentiant, alios qui moveant, nullo modo fieri posse §. XXXIX. demonstrabo.

## §. XXXIV.

Per experimenta primum determinandum est, quid ex irritatione nervorum sequatur: facilius deinde erit, per ratiocinia elicere, quae ulterius hac de re dicenda sunt.

## EXPERIMENTVM I.

In cane, nervus diaphragmaticus post mortem resectus, ab oleo vitrioli instillato, validissime contrahebatur, ita ut partes

(*a*) v. CHESELDEN'S *Anatomy of H. body* p. 311.

## DE IRRITABILITATE.

37

partes remotiores accederent ad locum irritatum, vehementiori motu a parte breviori, minus vehementi a parte longiori.

### EXPERIMENTUM II.

In mure, nervum cruralem resectum, in mensa per linneam rectam dispositum, paulum tetigi oleo vitrioli, sic mirare in spiras se contraxit, imo motus ille vermicularis per aliquot minuta secunda, vegetus sponte perduravit.

### EXPERIMENTUM III.

In Carpione, nervum opticum resectum, tetigi plumula oleo vitrioli madida, sic non tantum constringebatur ut partes remotiores ad se accederent, sed etiam motu per mensam agebatur peristaltico: Hunc autem effectum chemicum non esse credebam, quod absque ulla constrictione, eodem tempore, pinguedinem ex orbita illius piscis resectam, oleo vitrioli irritaverim; interim tamen non multum tribuo huic experimento & duobus antecedentibus, cum in tendinibus de sele juniori resectis a spiritu nitri idem fuerit effectus.

### EXPERIMENTUM IV.

In ranis, musculum convelli ex irritatione nervi sui censes vidi, imo aliquando sedecim horis, ex eo quo omnia exempli viscera, irritatis nervis cruralibus convulsiones excitavi validissimas.

### EXPERIMENTUM V.

In cane jam extincto, ex irritatione nervi mediani sequuta est convulsio, per totum artum infra locum irritatum manifesta: Effectus irritationis semper minor erat in progressu temporis, & post horam plane nullus.

## EXPERIMENTVM VI.

Eumdem canem incidi, ut in primis cum nervo diaphragmatico instituere possem experimenta: Nervo hoc irritato diaphragma quidem conveltebatur; sed compresso fortiter, respiratio non minus pergebat.

## EXPERIMENTVM VII.

In alio cane, cerebro & medulla spinali iam destructa, diaphragmate quieto, irritavi nervum phrenicum, conveltebatur diaphragma vehementissime: resecui nervum, separavi de vena cava, partem resectam dito prehendi, irritavi, conveltebatur diaphragma plane eadem ratione: Experimentum forte vigesies feci, semper idem erat effectus. Idem experimentum dein iteravi in altero latere, convulsio sequebatur vehementissima in diaphragmate, & cum abdomen apertum esset, manifesto vidi, ejus contenta fortiter inde deorsum urgeri.

## EXPERIMENTVM VIII.

In alio cane, nervum diaphragmaticum post mortem etiam volsella prehendi, irritavi infra locum compressum, conveltebatur diaphragma. Resecui nervum, prehendi digitis, irritavi, conveltebatur itidem diaphragma.

## §. XXXV.

Varias nunc his experimentis adspergere potero observationes. Quaeritur an irritabilitas nervi in involucro an vero in medulla haereat? non video quare parti tribuere in qua perpetua non est, & si perpetua esset, rueret tamen per priora omnis inde desumpta demonstratio. Magnus ille intercostalis nervus, nulla dura membrana satis certo circumdatur,

ob-

observeante Ill. HALLERO, semper mollis manet; idem de portione molli nervi auditorii, & olfactorio verum est, imo fatente ipso Ill. HALLERO in universum cellulosa tela est, quæ pro dura matre sumitur, si enim involucrum immediate a dura matre oriretur, separari posset tanquam vagina cylindrica, uti in optico possunt, quod autem non succedit in nervis remotoribus. Nervi cordis, & in collo molliusculi, & intra vasorum cordis, ubi comprimi non possunt, molles omnino sunt & tamen proprie in eo loco officium suum praestant. Hinc in dura matre quatenus nervos involvit irritabilitas quaerenda non est. De mera cellulosa nemo affirmabit. An autem in pia? STAHLIANIS hoc valde placeret, qui originem nervorum in pia matre quaerunt, imo vero existimant, hunc tantum usum esse cerebri ut fulciat piam matrem ( quasi non in ossibus sufficienter firmari potuisse) sed nec hoc involucrum perpetuum est; nervus quarti paris per sesquipollicis longitudinem, acusticus per pollicis, accessorius per pedis longitudinem absque pia matre decurrit; idem de aliis verum, & in cerebro semper obtinet. Nunc si aut dura mater, aut pia mater, aliquid ad irritabilitatem nervorum facerent, ubivis absque exceptione deberent adesse, alias nunquam de omnibus simul definire liceret; sed id secus se habere, satis nunc manifestum est. Interim haec nondum sufficiunt, ad evincendam meam sententiam. Obiiciuntur alia: Cl. LUPS (a) medullarem nervi partem ideo non irritari credit, quia etiam flatu cor ad contractionem potest fuscitari; at ego respondeo: motum cordis flatu de novo fuscitatum, non pendere ab integritate nervorum, satis satisque enim vidi, nec ignorat ipse clarissimus vir, corda animalium, reflecta & ab omni commercio cum cerebro remota, pulsare, imo languente motu, vapore aque

## DE IRRITABILITATE.

quae calidae denuo in contractionem fuscitari; hinc dum flatus motus cordis resuscitatur hoc ideo fit, quod adlato novo stimulo sive causa irritante, excitetur vis contractilis ipsi cordi infusa, nec hoc in casu adeo a nervis pendens, cum & absque eorum ope subsistat. Sed aliud argumentum desunt (b) idem Auctor, ex mente Praeceptoris sui, Celeb. WINTERE (qui alio loco (c) idem proposuit) ab operatione chirurgica qua cataracta deprimitur, „non potest enim institui, ait, quin retina, quae fere tota ex nervosis fibrillis constat, perforetur, nullus vero hinc oritur dolor, nulla irritatio; dolor tamen acerbissimus sentitur statim, si acus laedat ciliarem nervum quendam, qui nervi involucro duriori a dura matre vestiti sunt, quod solum fortasse irritabile est „ Addit WINTERVS (d) „ An non inde, quod retinae nervi mollissimi & involucro duriori orbati sint, contra vero nervi ciliares involuerum suum solum fortasse irritabile, nequaquam deposuerint? nascitur certe suspicio haecce si non contendamus quod nervi retinae ad sensum, ciliares vero ad motum destinati reperiantur „ Ad haec ita respondeo: Multa quidem hic ex theoria superius jam examinata, dixerunt Cel. WINTERVS ejusque Discipulus, quae per nostra experimenta non possunt firma manere, & in depositione cataractae retina semper pertunditur, mera enim conjectura est nervum ciliarem aliquando laedi, nam id solum per experientiam compertum habemus, in hac operatione do lores aliquando valde magnos esse, aliquando nullos; ipsa de in retina non fibris constat, sed medulla est effusa, distabilis, (e); nonne autem essentiale nervorum fibris constare? Ha beo

(b) l. c.

(c) Orat. de certitudine in medicina practica. p. 86. 87.

(d) l. c.

(e) HALLER Physiolog. p. 269.

## DE IRRITABILITATE.

41

beo etiam experimentum, quod forte hic ad rem meam facit. In rana jam emortua nervos brachiales & crurales butyro antimonii irritavi, sed nullus inde sequebatur motus in musculis, irritavi paululum scalpello tunc sequebatur omnino. Si itaque integumenta adeo essent irritabilia, his in contractio-  
nem fuscitatis successive ortae essent omnes illae mutationes, ad motum musculararem necessariae; interim tamen Cl. w i n-  
t e r u s expressis verbis dicit (f) „Irritabilitatem membranarum esse principium mobile primum, non autem spiritus animales, idque inde deducit, quod musculi cum nervis suis de rana resecti, irritatis nervis nihilominus se contrahant. Respondeo autem; spiritus certo has contractiones non efficere, nec membranas, per priora. Superest ergo ut in parte medullosa veram sedem irritabilitatis nervorum quaeramus; me-  
dulla cerebri irritata convulsiones statim sequuntur universales, at haec medulla manifesto in nervos continuatur, exem-  
pli nervorum olfactoriorum ubi striae medullosoe apparent nudaee, opticorum in cerebro, mollis auditorii, qui substantiam medullarem conservat ab origine ad fineum usque; qua-  
re oportet nervos omnino de natura medullae cerebri partici-  
pare. Objectio adhuc moveri posset ab experimento illo quod in hominibus submersis vel syncope correptis frequenter capi-  
tur, jacent mortui quasi, levis in naribus fit titillatio, exci-  
tantur & vivunt, at hic in medulla nervi nulla fieri potest mutatio, vellicantur membranae, inde illi effectus, ergo de-  
monstrata est earum irritabilitas: Facillime respondeo, nudos esse in naribus nervos; quo magis nudi, eo magis sensiles.

§. XXXVI.

(f) L. c. p. 86.

F

## DE IRRITABILITATE.

## §. XXXVI.

Ad Experimentum VI. (*a*) notandum est, non ea in nervo diaphragmatico mihi apparuisse phoenomena quae hinc inde ex BELLINO reperiuntur descripta. GALenus primus ostendit, diaphragmatico nervo in collo ligato diaphragma immobile reddi, in sue & simia. BELLINVS addidit „non solum subprimi respirationem ligato nervo, sed restituи eamdem, non dimisso, sed deorsum versus diaphragma stricto &c. (*b*) At in meo experimento, nervo diaphragmatico fortiter compresso, respiratio non minus pergebat, quod forte integrati nervi alterius lateris tribuendum.

## §. XXXVII.

Experimenta cum nervo diaphragmatico in canibus mortuis capta (*a*) confirmantur observationibus auctorum, quarum aliquas citabo. Necato pisce Requiem, cauda, capite, corde, omnibusque visceribus rescissis, truncus cadaveris tam fortiter & tam vehementer per longum temporis intervallum concutitur agitatur convelliturque, ut tres robustissimi homines illum vix detinere queant. (*b*) Balena mortua, si in genitalibus pungitur, convulsiones oriuntur per totum corpus. (*c*) Cl. WALTHER (*d*) Chequetani experimentum consuetum cum torpedine, fecit, dum pene mortuus esset ille piscis, nihilominus effectum in brachio ad alterum usque diem persenfit.

(*a*) §. XXXIV.

(*b*) confer C. B. II. 605.

(*a*) VII. & VIII. §. XXXIV.

(*b*) BAGLIV. *Diss. var. arg. op. p. 590.*

(*c*) MARTENS *Reise nach Spitzbergen. p. 112.*

(*d*) v. ANSON'S *Voyage, published by R. WALTHER p. 266.*

fit. Ill. REAUMUR (*e*) ostendit, torpedinem adtrectatam duos maximos quos in dorso habet musculos subito contrahe-re, unde tantos dein dederit effectus, quod utique (uti praecedentia) ad nervos pertinere videtur. Convulsiones ex irritatione nervorum, in universum multum insigniores in animalibus quae sanguine gaudent frigidiori, ut aquatilibus, amphibiis, quare adeo validae reperiuntur in quibusdam experimentis superius excitatis; eo diutius autem notante SWAMMERDAMMIO (*f*) persistunt, quo nervi per musculum de-currentes sint illaesfi.

### §. XXXVIII.

Sed quid tandem in nervis est quod motum muscularum efficit? Ligato nervo, intercepto adeo partis cum cerebro commercio, sensus perit infra ligaturam, experimentum nuper vidi ab Ill. HALLERO in vivo cane captum, nihil percipiebat animal dum irritaretur nervus infra ligaturam, clamabat vehementissime nervo supra ligaturam irritato. Sed in meis experimentis (*a*) nervo diaphragmatico instrumento chalybeo compresso, non minus convulsionem excitavi in diaphragmate dum infra locum compressum irritarem, imo vero resecto nervo digitisque prehenso conveltebatur dia-phragma, quando illum irritabam. Concludo itaque: licet interceptum sit commercium cum cerebro, pereunte sensu non ideo perire irritabilitatem. An ergo ad irritabilitatem nervi refrendus motus muscularum? An ita perficitur haec actio,

(*e*) *Memoires de l'academie des sciences.* 1714.

(*f*) *Bibl. Naturae.* p. 839.

(*a*) VII. & VIII. §. XXXIV.

## DE IRRITABILITATE.

actio, ut irritatione facta in nervo, quacunque demum ratione, tractio oriatur constricto nervo, & inde lacesitio in musculo? An tractionem illam suadent experimenta in quibus submersi excitantur levi in naribus facta irritatione, ubi certe actio in ipso nervo presupponenda? & huc omnino pertineret constrictio nervorum ab oleo vitrioli mihi observata, nisi forte effectus ille chemicus sit. (b) Sed si verum est, quod vis ipsis nervis innata efficiat motum muscularum, quid tunc spiritus animales faciunt? An non experimenta, in quibus ligato nervo perit sensus, non autem irritabilitas, suadent spiritus ad sensum esse, nervos tantum ad motum? cur alias ligato nervo, canis clamaret, irritatione supra ligaturam facta, cur non claimat dum infra ligaturam irritatur? sed quare tandem actio muscularis a voluntate determinatur, quid anima a cerebro emittit quod motibus illis det occasionem? spiritus emitti nullum dubium; an inde irritatio in nervis, & quae sequuntur supra memorata? Sed quomodo fit, ut ab adeo parvula causa, spiritibus animalibus per nervos emissis, tanti adeoque stupendi sequantur effectus? spiritus tanquam causa non sunt considerandi, non in ipsis residet quod tantos effectus praestet in muscularis, id enim quod fit, propter vires insitas nervis muscularisque simul sumtis fit, quae omnino omni alia mechanica majores sunt; hinc spiritus in actione musculari forte non inmerito causa tantum occasionalis vocandi.

## §. XXXIX.

Alia adhuc expendenda quaestio. An dantur nervi duorum generum, quorum alii ad sensum sint, alii ad motum? In paralyse saepius observatum est, sensum superstitem fuisse motu destructo, & contra, motum superstitem abolito sensu,

(b) v. Exp. I. II. III. §. XXXIV.

su. Sensui praesunt nervi, quando pauci adsunt in magna aliqua parte; motui, quando plures in parva parte; in uno enim pollicis musculo plures nervos nobis demonstravit Ill. HALLERVS quam in toto pulmone, sed non ideo differentia specifica est inter illos nervos; efficacia virium motricium est in ratione magnitudinis & quantitatis nervorum, hinc tanti & tam multi sunt in brachio &c. quo minores autem nervi, quo pauciores, eo minor semper est ratio virium motricium, hinc quando paucissimi adsunt in aliqua parte, videntur unice ad sensum adesse, quia motus alicujus momenti producere non valent. Ill. HALLERO sententia de nervis duorum generum sensoriis & motoriis non valde placet: ratio illi haec est (a) „nimis certum esse eosdem brachiales nervos in digitorum apice tangere, in musculis digitorum motum exercere,, Sed quomodo tandem fit ut in paralyysi sensus sit abolitus motu superstite? Responsio ex modo allata de motu muscularum fluit sententia: ligato nervo, intercepto adeo cum cerebro partium commercio, sensus perit; irritato infra ligaturam nervo, canis nihil percipit, irritato supra ligaturam clamat vehementissime; at ea pars nervi infra ligaturam non differt a parte supra ligaturam, nihil deficit nisi liquidum nerveum per ligaturam interceptum, ergo integritas sensus pendet ab integritate liquidi nervei, non ab ipsa constitutione partium nervearum. Deinde experimenta suadent, motum extra spiritus quaerendum esse, qui ansam illi tantum praebent: nervum phrenicum saepissime in cane rescidi, prehendi dito, irritavi, conveltebatur diaphragma, imo sedecim a morte horis in rana irritatis nervis cruralibus convulsionem excitavi in musculis. Nonne ergo intelligitur, cum non ad unam eamdemque

(a) v. C. B. IV. 611.

demque partem pertineant sensus & motus, unum aboleri posse altero illaeſo, & contra; hinc plane non necesse esse, nervos duorum generum constituere, quorum alii ad sensum facti ſint, alii ad motum. Quid enim per noſtra principia eſſet nervus motorius? Nervus qui nullum cum cerebro habet commercium, qui ſpiritibus non indiget. Quid eſſet nervus ſenſorius? difficile dictu; an nervus qui nullam haberet irritabilitatem? Hoc certe nimis abſonum eſſet.

### §. XXXX.

*Ductus cysticus, ductus choledochus, veficula fellea, musculosi nihil fatis manifestum habent, nervos ad eſſe utique videtur.*

### EXPERIMENTVM. I.

Ductum cysticum ubi ad veficulam telleam terminatur in cane strangulatum vidi, dum oleo vitrioli tangereſ.

### EXPERIMENTVM. II.

Ductus choledochus in cane ab oleo vitrioli manifesto conſtrингebatur.

### EXPERIMENTVM. III.

Veficula fellea in cane butyro antimonii vel oleo vitrioli tacta, conſtrингebatur vehementiſſime in variis experimentis, minus ſi tardius fiebat irritatio; aperto ductu choledoco, bilis effluebat dum irritabatur veficula. Irritavi etiam a parte interna, conſtrингebatur eadem ratione. Idem in fele vidi, & in mure aliquoties.

### §. XXXI.

## DE IRRITABILITATE.

47

### §. XXXI.

Fibris muscularibus & nervis gaudent, *ureteres*, *vesica urinaria*, *urethra*, *ventriculus*: hic ergo refero meas de harum partium irritabilitate observationes.

### EXPERIMENTVM I.

Ureteres in cane ab oleo vitrioli contrahebantur, & aliquando, vi vitali magis integra, in spiras convolvebantur. Validissime etiam contrahebantur in mure.

### EXPERIMENTVM II.

Vesicam urinariam in cane saepius irritavi oleo vitrioli, constrictio siebat semper, non tamen penitus aequalis constrictioni intestini tenuis, satis vehemens quidem dummodo tempestive facta fuerit irritatio; minor enim semper minorque siebat irritabilitas in ratione distantiae a morte. In alio experimento vesica parum patiebatur oblitita acri; emissa autem per puncturam urina, nondum collapsa in minutum glomerem constringebatur oleo vitrioli tacta. In fele omnia eadem ratione apparuerunt.

### EXPERIMENTVM III.

Urethram in cane post mortem aperui, irritavi oleo vitrioli, sic constrictio secuta validissima. Experimentum aequali ratione in variis urethrae partibus succedit.

### EXPERIMENTVM IV.

Ventriculum in cane saepius irritavi oleo vitrioli, strangulabatur sic satis, eo magis tamen quo citius a morte insti-  
tuerem

## DE IRRITABILITATE.

tuerem experimentum. In fele non adeo magnae erant haec constrictiones. In mure satis valide constrictum vidi ventriculum, validissime cum nondum extinctum esset animal. Ipsum dein motum peristalticum ventriculi in diversis animalibus obseravyi, & aliquando in haedo talem, qui motum suum oscillatorium diaphragmati communicans, in thorace appareret.

## §. XXXII.

Ad *Intestina* pervenio, quorum motus a morte perennans, ex ultimis signis peculiaris illius corporum animalium proprietatis est, quam irritabilitatem vocamus. Institutum nostrum non est, ut curiosius hunc motum describamus, nec necesse videtur ut renovemus controversiam cum claris viris, qui phoenomenon adeo evidens, adeo facile observatu, adeo perpetuum, in dubium vocarunt: viderunt motum peristalticum & sollicite descripsérunt magni viri, rimati sunt ex professo diligentes observatores, vidi ipse in cane, fele, haedo, omniumque optime in cuniculo, nihil ideo hic nobis superest difficultatis, quare ad ea transeo quae ad rem meam facientia mihi observata sunt.

## EXPERIMENTVM I.

In cane, hora fere post mortem, intestinum tenue oleo vitrioli tactum, vehementissime strangulabatur. Non adeo bene intestina crassa, (Vesica urinaria eodem tempore ab oleo vitrioli nihil patiebatur.)

## EXPERIMENTVM II.

In alio cane, intestino tenui illinivi oleum vitrioli, constringebatur ad duas tertias sui luminis. Crassis in universum erat

erat irritabilitas minus valida, major tamen semper in recto, quo irritato contenta sursum deorsumque urgebantur, motu peristaltico & antiperistaltico.

## EXPERIMENTVM. III.

In alio cane, intestina tenuia variis in locis secundum longitudinem incidi, oblinivi intus transversim oleo vitrioli, sic partes primo laterales circa locum irritatum tanquam punctum fixum convolvebantur, deinde ex utroque margine superiore & inferiori oriebatur volumen, cylindrum referens. In parte superiori, finis intestini circa locum interne eadem ratione irritatum, retrocedebat (uti in introsusceptione fit) pars autem interna extus versa sensim sensimque sequentes partes secum trahiebat, quae inde in gyrum formabantur: dum haec siebant, liquidum intestinale undique copiose perpluebat, sputum agens; contenta intestinorum sursum deorsumque in locum affectum effundebantur. Eadem phoenomena non semel sed ter & quater observavi, repetito experimento.

## EXPERIMENTVM. IV.

In mure ab oleo vitrioli intestina tenuia, uti in cane, vidi constricta, minus bene imo valde parum crassa, experimento in variis subjectis repetito.

## EXPERIMENTVM. V.

In fele eadem quidem ratio erat irritabilitatis in crassis & tenuibus, constrictio tamen non adeo valida erat ac in cane.

## §. XXXIII.

Addenda sunt his experimentis quaedam observationes. Intestinorum crassorum minor, tenuium major irritabilitas for-

san inde deduci posset, quod illis minor, his autem major nervorum sit ratio; id quidem certum est, morborum in variis his partibus variam ideo esse debere rationem: nervi intestinorum crassorum pauciores sunt, hinc neque tam sensibilia, cum destinata sint foecibus duris acribusque vehendis, nec eorum vulnera tam periculosa esse solent. Motum peristalticum crassorum plane negat BOERHAAVIUS, sed non sinunt ut ejus sententiae accedamus, experimenta adeo saepe repetita: inter crassa tamen colon minus sensile est, Ill. HALLERVS aliquando una parte valde constrictum, altera dilatatum vidit, sed nullam invenit inde sequi colicam. Rectum in primis sensile esse per experimenta nostra patet, & ex stimulo intolerabili quem foeces edunt illuc devenientes. Sed propter integratem nervorum non perennat motus peristalticus in intestinis resectis, qui potius fortior tunc temporis esse videtur, demonstrabimus enim (a) nullam esse potentiam nervorum ad motus spontaneos producendos in partibus a cerebri commercio remotis; quare oportet ut principium illud, qualemque sit, magis per tenuia sit diffusum, & id certe non absque praevisis finibus, quod ostendi potest ex egregia Celeberrimi WINTERI consideratione (b). In hominibus violenta morte extinctis, ait, motus intestinorum peristalticus satis diu visus est superstes, quo ipso cavere voluit CREATOR ne ex levī quacunque causa nobis statim moriendum esset, motu enim peristaltico intestinorum chylus ad venam subclaviam adactus sanguinem in motum constituit, qui cor dextrum ingressus illud irritat, nunc chylifera vasa in primis proveniunt ex intestinis tenuibus (licet non penitus deneganda sint crassis) quare oportet ut tenuia ad motum aptiora sint.

XXXXIV.

(a) §. LII.

(b) l. c. p. 34.

## §. XXXIV.

Non injuncta erat observatio phoenomenorum a veneno, intestinis a parte interna, oblinito; (*a*) video inde confirmari theoriam Ill. HALLERI de introsusceptione, deinde etiam egregie demonstrat actionem purgantium quam in homine expertus est ingeniosus vir C. le CAT (*b*). Apud scriptores Medicos saepissime legitur, introsusceptionem intestinorum esse volvulum, hinc si in cadaveribus inveniunt, pro causa mortis allegant; demonstravit autem Praeceptor noster Ill. HALLERUS perfecte esse innocuam, & oriri quotiescumque punctum aliquod fixum in intestino natum sit, ex irritatione acris, verinium &c. circa quod constringi possint fibrae longitudinales, ea ratione ut, dum contra constrictam sedem intestini adtrahunt proximam, priorem hac laxiori comprehendant. Valde frequenter in infantibus hanc fabricam nobis ostendit Ill. HALLERVS, at nunquam erat collectio foecum, nec constrictio inferius, nulla inflammatio, imo priori hyeme adhuc vidimus morbum non esse, cum nihil chyli adfuit congesti, neque supra neque infra illum locum, omnia praeterea sana, imo tota fabrica fiat potuit tolli; morbum ergo non esse introsusceptionem satis appetet, & quomodo ex illa theoria fiat, docet experimentum III. §. XLII. ubi omnino fibrae intestinales circa punctum fixum ex oleo vitrioli nato constringebantur, & eamdem, quae in introsusceptione est, figuram reserabant.

## §. XXXV.

Transendum ad reliqua quae illustrat haec observatio. Actionem purgantium non licebat plerunque nisi ex theoris  
G 2 de-

(*a*) Exp. III. §. XLII.

(*b*) *Philosophical Transactions* n. 460.

## DE IRRITABILITATE.

deducere, deerant experimenta; prius D. le CAT. feminam nactus, cui per vulnus colon cum peritonaeo conjungebatur, egregie totius actionis mechanismum perspexit: motus peristalticus manifestus erat; purgantia varia intestino insperfit, quae secundum gradus violentiae motum hunc incitabant: cassiae effectus erat fere nullus; manna aliquantum soluta, speciem spumae formabat, intestinum deinde agitabatur varie; remota manna, inspersaque pulvere jalappae, effectus statim nullus apparebat, sed cum paulum solveretur, intestinum valide commovebatur, multum emittebat seri, femina conquerebatur de terminibus &c. nolui in meis experimentis purgantia adhibere, ut eo melius perspicere possim, quinam sint effectus simplicioris causae, liquoris nempe quo in primis ad eruendos gradus irritabilitatis per varias corporis partes usus sum. Manifestum ergo fit, purgantia in universum irritare intestina, haec inde constringi, sic ex suis fontibus effundi liquida unde foeces diluuntur, & a motu peristaltico fortiori nunc eo citius promoventur, ut iter suum tribus quatuorve horis legant, quae alias viginti quatuor requiri sivissent, vera enim est, (ut in transitu moneam) licet aliter sentiat CHEYNEUS, sententia IL. HALLERI (c) „cibos ore adsumtos intra viginti quatuor horas fere totum suum iter absolvere „ Experimentum feci in me ipso; lentes, cibum nempe valde durum, adsumsi in jure magna satis copia meridi die hora duodecima, altero die hora decima matutina integerimas vidi decepsisse, licet per totum illud tempus molesta valde mihi fuerit obstructio. Apparet ergo XXII. horis iter suum perfecisse ingestas, & quod robur addit aserto, notandum est, tunc temporis vires digestionis in corpore meo, jam per quinque menses fere penitus suis destructas, ut perpetuis

la-

(c) Physiolog. p. 395.

laborarem flatulentiis & spasmis, tam in intestinis quam alibi per consensum nervorum ortis; ut ideo lentius adhuc oportuerit suum iter perfecisse ingestas, in corpore infirmo, quam vulgo fieri debet in hominibus sanis: CHEYNEUS autem dicit (*d*) assumta non nisi tertia die deponi per alvum.

## §. XXXXVI.

*Cor* tandem vitae primarium organum considerandum est: huius tanta est necessitas, ut non mirum sit in se includere summam ad rythmos suos peragendos dispositionem; hinc etiam, ni fallor, quodcunque hactenus de irritabilitate cognitum fuit, primum innotuit. GALENVS jami autumavit, cor non indigere nervis, cum exemptum diu pulsare videret. FRANCISCVS BACON DE VERVLAM generis humani priori saeculo Praeceptor, hominem vidit, (*a*) cuius eviscerati cor in ignem, Britannorum more, projectum, saltabat in altum, primo ad sesqui pedem, & deinde gradatim ad minus, durante spatio septem aut octo minutorum. Alius Anglus, quem nos medicos maximum decet vocare virum, GVILELMVS HARVEY, cor anguilae exemptum sine auriculis ait (*b*) pulsare, imo in frusta discessum separatim se contrahere inquit. Elegantia fecerunt experimenta, ex conterraneis meis clarissimi viri, & quidem REYERVS in sele, cum jam obriguissent omnia cisternam chyli inflans, motum cordis suscitavit (*c*). Idem, cor Salmonis femellae, a corpore avulsum, diuque jam conglaciatum,

(*d*) in elegantissimo libro *Essay on Health and long Life*.

(*a*) conf. historiam vitae & mortis. Operum T. II. 128.

(*b*) de motu cordis.

(*c*) v. Parerga I. p. 137.

## DE IRRITABILITATE.

tum, fotu'manus suscitavit (*d*). Cisterna chyli inflata motum cordis in cane restituit Ill. BRVNNERVS (*e*). In ciconia, hora post mortem, aere per arteriam aortam insufflato, cor pulsitare fecit HARDERVS (*f*). Motum cordis Idem magis evidenter videt aliquoties, in cuniculis Brasiliensibus, pluribus post eorum strangulationem horis; & in cochleis corde frustulatim discesso multo tempore post, aere per arteriam admisso (*g*). In catello cordis dextrum ventriculum cum auricula abscidit WEPFERVS (*h*) nihilominus cordis reliqua substantia aliquoties & quidem valide vera systole & diastole movebatur. Admirando mechanismo obstupefactus LOWERVS Anglus, causam motus cordis cognoscendi DEI solius praerogativam esse declarat (*i*). Has tandem observationes repetiit partim & auxit Praeceptor noster Ill. HALLERVS, & primus tandem ostendit quanta hujus doctrinae in primariis physiologiae capitibus sit utilitas; & quam simplex sit natura in motu cordis, ut ob hanc ipsam causam rem forte praeterviderint medici, omni modo probavit.

## §. XXXVII.

Multa ergo his in rebus viderunt alii, oportebat tamen ut quaedam viderem ipse. Experimenta mea sunt sequentia.

EX-

(*d*) l. c. p. 138.

(*e*) v. WEPFERUS de *cicuta aquatica*. p. 90.

(*f*) v. literas HARDERI ad PEYERUM Parerg. I. p. 140.

(*g*) l. c.

(*h*) de *cicuta*. p. 254.

(*i*) de *corde* p. 89.

## EXPERIMENTVM I.

In carassio pisce, per aliquod tempus jam servato, exemptum, non pulsavit, nec per irritationem; decem autem minutis soli expositum, incipit iterum peragere suos rythmos, qui per quindecim minuta perdurarunt.

## EXPERIMENTVM II.

In corde de carpione exempto, motum sic satis validum vidi superstitem, cito tamen languescentem, donec post aliquot minuta totus evanesceret.

## EXPERIMENTVM III.

In rana cui hora II. 55' caput resecui, aperui thoracem hora IV. sed nullum in corde percepi motum. IV. 9' accendi, vidi cor satis fortiter pulsare, & postquam viginti & quatuor successive pulsus numerasse, iterum secedi. IV. 16' adhuc pulsavit. Sic & IV. 26' & IV. 35' & IV. 45'. Hora V., adhuc subsistebat motus. V. 45' pergebat, sed languidius. VI. 30' vix suscitabilis.

## EXPERIMENTVM IV.

In rana post exemptum hora XI. cerebrum, hora III. 40' cor reperi quietum, sed cum scalpello irritarem denuo in motum actum est, qui h. IV. adhuc subsistebat. IV. 5' quievit. IV. 6' sponte se contraxit cor, & iterum quievit; aqua calida dein affusa vehementer iterum movebatur, & simul convellebantur crura. IV. 12' quiescebat, sed mox vidi semel contractum. IV. 14' flatu extus tentavi, sed nihil inde sequebatur. IV. 15' sponte se contraxit cor. IV. 26' quiescebat, nec potui scalpello excitare, nec aqua calida aliquid faciebat, nec butyrum antimonii.

## DE IRRITABILITATE.

## EXPERIMENTVM V.

In rana post experimenta in cerebro & medulla spinali capta, hisque penitus destructis h. II. 5' excidi cor, quod in mensa dispositum vehementer adhuc pulsabat.

## EXPERIMENTVM VI.

Cor eximi ex rana hora XI. 54'. Hora XII. 48' pulsavit adhuc sed languide, saliva aliquantum tamen poteram incitare. XII. 55' motus erat valde languidus, paulum vividior tamen, cum scalpello irritarem. I. 40' in auricula leviusculus supererat motus, II. 5' adhuc, sed valde debilis. In apice cordis adeo nullus, ut nec butyro antimonii potuerit excitari. II. 15' omnia quiescebant, nullo modo irritabilia.

## EXPERIMENTVM VII.

Ex alia rana h. XI. 54' cor & omnia viscera eximi. In erram projecta saltavit, quasi nihil ipsi accidisset, licet sub scalpello antea rigida appareret & nervi brachiales fore penitus pon essent irritabiles. XII. 8' per ferram repit. XII. 38' conanum fecit ad saliendum, sed non valuit, hinc pedes trahendo corpus promovebat. XII. 40' idem erat status. I. 45' omnia reperi mortua.

## EXPERIMENTVM VIII.

In mure cor resecui & projeci in vaseulum murrhinum, pulsabat vehementissime; instillavi tunc, alias ob rationes, laudanum liquidum SYDENHAMI, sic non ita multo post extinctus est omnis motus.

## EXPERIMENTVM IX.

Cor ex alio mure evulsum, per quadrantem horae in mensa valide pulsabat: cessante autem omni motu, irritavi oleo vitrioli

vitrioli apicem, ventriculum, constringebatur uterque; irritavi auriculam, idem fiebat. Auricula tandem ad ad tactum olei mei insensili, aperui ventriculum, irritavi, sequebatur constrictio.

## EXPERIMENTVM X.

In fele, post alia, non a me, in cerebro capta experientia, cor resecui, & in mensam dispositum diu satis valide vidi pulsare.

## EXPERIMENTVM XI.

In cane hora II. post meridiem inciso, h. III. 45' apex cordis oleo vitrioli tactus nihil patiebatur, ventriculus satis manifesto constringebatur. Hora IV. cor de cane exenti, in mensam projectum irritavi eadem ratione in apice, nihil inde sequebatur, nec in ventriculis, sed motus satis vehementer supererat in auriculis dum oleo tangebantur.

## EXPERIMENTVM XII.

In alio cane, motu cordis jam cessante, cor in apice oleo vitrioli irritavi, parum patiebatur; magis in ventriculorum superficie interna, & magis adhuc in eorum cavitate. In alio cane eodem tempore eadem observavi.

## EXPERIMENTVM XIII.

Cerebro & medulla spinali in cane destructa, aperui thoracem, motus cordis supererat vegetus validusque, qui sanguinem ex arteria mammaria resecta, quavis contractione, ita proiecibat, ut saltu arcum satis magnum describeret; attamen semper minor minorque, post horam cessavit.

## EXPERIMENTVM XIII.

In alio cane, corde jam quiescente, tubulo inserto in venam cavam, motum denuo suscitavi flatu, qui eo ipso dum inflarem, in auricula dextra se manifestabat, & penitus dein cessante hac mea irritatione, ad ventriculum pergebat; quod aliquoties & in hoc & in aliis subjectis observavi.

## §. XXXVIII.

Manifestum ergo fit ex his experimentis, quanta in universum in corde sit ad motum habilitas; non quidem adeo facile ad corpus humanum haec omnia referuntur, quae in variis animalibus perspexi; animalibus frigidioribus in primis longe diversa videtur esse fabrica: ranae ex c. unicum in corde habent ventriculum, hic tamen sufficere debuit ad totam circulationem, dedit ergo sapientissimus C R E A T O R cor magis irritabile, motuumque suorum magis tenax, unde caetera quae desunt compensantur. Idem major gradus irritabilitatis videtur obtainere in animalibus minoribus, quorum corporcula debebant esse agiliora, ut in pulice &c. In mure majoris irritabilitatis diversa mihi videtur ratio; quo minora sunt quadrupeda eo celeriorem habent pulsum, de causa finali hic non quaeritur, sed ut sanguis celerius circulum suum obeat, in primis requirebatur cor magis irritabile. Interim tot excusationum opus non est: sit enim oeconomia horum animalium a nostra caeterum diversa, non ideo tamen non possumus plura de experimentis praecedentibus in brutis animalibus captis, ad hominem transferre, nihil dicam de magna fabricae analogia, nec ponderabo argumentum inde deductum, ex datis iisdem causis eosdem sequi debere effectus; in ipso enim homine visa sunt, quae mihi alisque in brutis apparuerunt. Observacionem V E R U L A M I I jam excitavi, sed aliae adhuc sunt di-

cendae; in cadaveribus humanis flatu cor suscitavit PEYERUS  
 (a) veditque motum recuperatum servari diutissime. Tale  
 autem in Hispania periculosum esse experimentum, docet ex-  
 emplum VESALII, qui id cum magno suo damno fecit; de  
 causa enim morbi nobilis cuiusdam Hispani sollicitus, petiit a  
 propinquis ut sibi liceret cadaver defuncti dissecare, conces-  
 sun est ei quod petebat, sed cum ad cor pervenisset, repertum  
 est palpitare (quod forte ex aliqua secantis Anatomici praegressa  
 irritatione factum) hinc cognati mortui non contenti  
 eum accusare factae caedis, accusant etiam impietatis apud in-  
 quisitionem (b). Similis fere historia ante aliquot annos chi-  
 rurgo in agro Parisino obtigit, qui indignationem populi vix  
 effugisset nisi cel. FERREIN placuisse miseri partes tueri.  
 Nullum ergo supereft dubium, cordi humano in universum  
 eadem competere, quae in brutis observantur, & hic tandem latet  
 vera causa motus cordis. Hanc non ignoravit GLISSONIUS,, Fi-  
 brae cordis, ait, (c) virtute micationis vitalis sanguinis in ejus  
 ventriculis contenti, per vices irritatae, excitantur ad se con-  
 trahendas & pulsationem faciunt, mox irritationem remissa  
 relaxantur, & naturalem partium positionem repetunt,, E-  
 amdem causam suspicatus est GLISSONIO junior BOER-  
 HAAVIS (d), alibi tamen iterum omisit; in omni autem  
 ambitu demonstravit Ill. HALLERUS. In commentariis  
 quidem Boerhaavianis nonduin videtur penitus in hanc senten-  
 ten-

(a) Parerg. I. 138.

(b) historiam ex HUBERTI LANGUETI ad CÄ-  
 SPARUM PEUCERUM Epistola narrat IAC.  
 DOUGLASS *Bibliographia Anatomica.* p. 79.

(c) de ventriculo & Intestinis. Operum T. III. p. 170.

(d) Praelect. Vol. II. p. 136.

## DE IRRITABILITATE.

tiam transiisse; en ejus verba (e) „ In sententia BOERHAAVII unice deficit ea causa motus in corde, quae nervis arteriis-que & auricularum sanguine remotis, supereft a morte, sed ea ex animalibus imperfectioribus defumta, & analoga forte motui elasticu fibrarum ex insectis (III. 384) de scripto, in homine explicari non potest, & debilior est praeterea mi-nusque per experimenta evidens „ Non desunt tamen in commentariis Boerhavianis loca in quibus proprius accedit ad eam, quam nunc foveat, sententiam Ill. Vir (f); et in nu-  
perioribus physiologiae primis lineis (g) causam motus cor-  
dis perfecte ad irritabilitatem refert, neque quidquam ultra requiri credit. Id demonstrat experimentum Ill. BERGERI  
qui ligata in cane vena cava motum cordis vidit cessare, so-  
luta integrari; idein etiam ab AMSTELODAMENSIBUS  
in rana captum experimentum; & porro demonstrat cordis motus  
ab impulso flatu in experimentis supra (h) excitatis, quod etiam ab  
Ill. HALLERO in erinaceo factum, unde in primis summa  
cordis irritabilitas manifesta fit; nihil interim reconditae fa-  
culty in aere ideo quaerendum, vellicat enim eadem ratione,  
licet minori vi cordis fibras, ac per scalpellum aut quameun-  
que causam mechanicam fit; chemice autem acria etiam me-  
chanice agere apparet, cum in nervis ab oleo vitrioli vel bu-  
tyro antimoniij irritatis aequa orientur convulsiones partium  
quos adeunt, ac a scalpelli vel cuiuscunque instrumenti mechanica  
irritatione. Ordinem phoenomenorum in motu cordis se-  
cundum leges irritabilitatis declaravit, summamque naturae  
simplicitatem ostendit Ill. HALLERUS, nescio hinc cur adeo  
saepe

(e) C. B. III. p. 442.

(f) C. B. II. 129.

(g) p. 52.

(h) XLVII. Exp. XIII.

saepe repetatur „irritabilitatem cordis, modo incognito efficeret ut humorum motus in nobis conservetur“ Sanguis propellitur constrictis illis partibus quas ad constrictionem lacescavit, non alia ratione ac ab injecto quocunque liquore fieri videmus, quando cor ad contractionem adhuc habile est; causa occasionalis motus cordis ipse sanguis est, fibras cordis vellicans; causa proxima, vis contractilis fibrarum; at nihil hic reconditi latet, nec ultra procedere necesse est. Cur autem motus cordis adeo pertinaciter aliquando post mortem supersit, id infra perpendam (*i*).

### §. XXXIX.

Restat quaestio hinc inde agitata, quodnam in corpore animali sit *ultimum moriens?* militant varie, vel pro vena cava, vel pro intestinis, vel pro corde, auctores; de vena cava jam dixi, pulsū a morte aliquando superstitem, ex peculiari mechanismo generari, hinc, addo, nec perpetuum esse, nec aequalem in diversis animalibus. Superest ut vel cor vel tandem intestina palmam ferant. Varia caepi ad eruendam veritatem experimenta, eo priūm eventu ut aliquando intestinorum motus omnium ultimus videretur, aliquando cordis motus; vidi hanc disceptationem, sed non ideo scepticum egi: nostra enim plerumque culpa fit, ut in experimentis quae ad eruendam rerum naturam capiuntur, aliquando ex iisdem circumstantiis diversa eveniant, oportet ergo, dum tales ut dicunt contradictiones vitio vertuntur, respiciamus ad totam circumstantiarum seriem, qua probe extricata, non potest certe non inveniri quid verum sit quid falsum, quave ratione effectus congruant cum causis &c. Vidi aliquando in canibus mo-

tum peristalticum intestinorum ultimo superfluisse, aliquando motum cordis, ratio haec est: ligato cane statim id mihi erat negotium, ut aperiam thoracem ad experimenta ibi capienda, hisque satis diu inhaereum intacto abdomine; ea ratione cor frigore infestatum non potuit non de irritabilitate sua multum amittere, saepe enim vidi & viderunt ante me alii, caloris eum esse effectum ut diversimode cordi applicatus ejus vel motum, vel saltem irritabilitatem, pro variis circumstantiis procrastinet; nunc his quae calor potest, oportet opposita esse quae a frigore efficiuntur, amittet ergo cor frigori expositum de sua irritabilitate: intestina interim inclusa manebant abdomini, fovebantur calore, atmosphaericō intensiori, eo minus ergo decedebat de eorum vi motrice: hac itaque ratione constituto corde & intestinis, aperui abdomen, comparavi phoenomena, sic omnino motus intestinorum erat ultimo superstes. At in aliis experimentis, aperto simul thorace & abdome, circumstantiis igitur iisdem, observavi motum cordis longe perenniorem esse, motu peristaltico intestinorum; viderunt etiam ex commilitonibus meis, qnibus hunc in finem, ad cadavera animalium, laudabili studio, placuit excubias agere, in cane Cl. ALBRECHT Med. D. & in mure praestantisissimus amicus noster F. E. LOEBER, qui abdome & thorace simul aperto, motum cordis diu post extinctam omnem intestinorum irritabilitatem, superstitem observavit. Cor ultimum esse moriens, sententia olim erat Ill. HALLERI (*a*) qui quiescentibus intestinis, motum cordis & auricularum post aliquot horas vedit superesse. Sed post novissime mihi nunc repetitas observationes, nisi maxime fallor, res videtur confecta.

#### EXPERIMENTVM.

In cane, motu cordis eo ipso fere momento cessante, incidi abdomen, inveni in intestinis motum aliquem leviusculum,

(*a*) in *Com. Boerh.* T. I. p. 380.

lum, non localem illum, sed potius ut ita dicam constrictorum; suscitavi dein, admissum per venam cavam flatu, cordis motum, qui diu subsistebat, motu illo intestinorum jam quiescente, imo cessante ipsa eorum irritabilitate. Cessante tandem motu cordis, denuo scalpello irritavi cor, sic iterum pulsabat; tentavi eodem tempore omni modo intestina, sed nulla plane illis supererat irritabilitas; hic autem motus cordis renovatus adeo constans erat, licet non valde vehemens, ut per integrum fere horam perduraret.

Ad hoc experimentum nunc iterum notandum est, motum illum leviusculum intestinorum calori tribuendum esse quem in abdomen illius animalis post mortem valde magnum inveni, dum contra cor aeri frigido diu fuerit expositum; facile etiam intelligitur, aerem externum post incisum abdomen subito irruentem, irritationem in intestinis facere qua in motum suscitentur, nec aliquid contradictorii habet quod irritabilitas a calore foveatur, a frigore excitetur. Sed alia adhuc supereft ratio, unde intelligitur, cur motus intestinorum aliquando superfuerit motui cordis, ut tamen nihilo minus cor ultimum moriens sit? Contenta intestinorum, quae facillime per eum tubum aguntur, perpetuam in iis experimentis fecerunt irritationem; hanc nunc ob causam, & per fotum illum caloris in abdomen superstitis, motus diutius supererat; nec idem dici potest de corde, quod tunc propter incisam antea venam cavam sanguine fere expers erat.

### §. L.

Hactenus in *irritabilitatem* ea methodo inquisivi quae unice certa est, ad indagandam, qua licet via, rerum naturam: scrutavi phoenomena, ut per varias circumstantias liceat despicere, quanam in re ultimo convenient. Inveni, irritabilita-

## DE IRRITABILITATE.

ritabilitatem in primis in illis partibus validam' esse, quarum motus summe ad vitam videtur necessarius, minorem & minorem semper, in iis quae magnis motibus minus sunt destinatae; appareat ergo, ab hac praeferim corporum animalium proprietate, omnem pendere vitam, nec forte ultra aliquid requiri; tolle enim irritabilitatem, inertia erit per totum corpus. Musculi, intestina, cor, hanc in se recondunt proprietatem, superstitem quidem a morte, post destructos & resciissos nervos, debilem tamen, & in vita omni modo ab integritate nervorum pendentem, quod per experimenta satis evictum est; imo vero didici per meas observationes, irritabilitatem plerumque in ratione nervorum esse. Membranae quatenus illis distituuntur, nullam plane habent irritabilitatem, ut dura mater; sed si nervos recipiunt, sensilissimae sunt, ut pericranium, conjunctiva oculi, membrana asperae arteriae Tendines nervis destituuntur & insensiles sunt. Musculus qui ponderis tantum drachmae unius, nervos habet aequi magnos ac ren vel lien, sed iterum docent experimenta nostra, & chirurgica, nihil his visceribus infesse irritabilitatis: lien, quia nervos exiguos habet & paucos, raro inflammatur; vulnera pulmonum non valde magna, facile sanantur, & parum doloris faciunt; lobum integrum inter duas costas egressum, gangraenosum ab aere externo, ligavit & resecuit BOERHAAVIUS, sanatus est aeger; vulnera rerum dolorem fere nullum pariunt, quod aliquoties vidit Ill. HALLERUS; homines ulceratis renibus per annos viginti superfuerunt; unum renem morbo pene destructum vidit (b) CHESELDENIUS; nervi renales parvi sunt, hinc parum acute sentiunt. Uterus parum habens fibrarum muscularium quae vix nisi in puerperis apparent, imo & tunc secundum

ma-

(b) v. *Anatomy of human body* p. 272.

magnos viros earum tantum fere speciem referunt, insignem possidet vim contractilem; sed unde illa nisi a nervis, qui a plexu mesocolico infimo adveniunt? Satis ergo evictum est, quanta, dum vivitur, sit nervorum pars, ad determinandos varios irritabilitatis gradus.

## §. LI.

Sed quid tandem constituit *irritabilitatem*? quae causa motus cordis a morte superstitis, dum altera per totam vitam perpetuo irritans nunc cessat? unde oscillationes illae spontaneae in musculis? Varia responderunt varii: WOODWARDUS (*a*) dicit, irritabilitatem a morte superstitem, pendere a sanguine in partibus haerente, quoad calorem suum et fluiditatem adhuc retineat, imo motus illos in partibus de corpore resectis, eo semper esse majores, quo major sit proportio sanguinis inhaerentis. Sed WOODWARDO oppono experimentum BOYLEI (*b*), qui in corde pectunculi pisces resecto, & in duas discisso partes, sanguinem omnem exprimit linteoque deterfit, quae sanguine expertes nihilominus per satis longum tempus successive contrahebantur. LISTERUS corda animalium frigidiorum resecta, a morte adeo diu, & aliquando viginti quatuor horis adhuc pulsare dicit, quia fortiora sint. BOERHAAVIUS in frigore quaerit causam motuum qui post mortem superstites sunt, ab eo enim, ait, constringi partes extremas, quae aeri ambeunti maxime sunt obnoxiae, adeoque liquores suos versus partes interiores, vitali calore adhuc tepentes, repellere, unde tandem illi motus

(*a*) v. HOLLOWAY'S *Introduction &c.* p. 72.

(*b*) v. *Usefulness of experimental Philosophy*, Operum Vol. I. p. 466.

tus, quorum aliqua cum voluntariis muscularum motionibus sit analogia; respondet Ill. HALLERUS (*c*) „, leves tremores possunt similibus causis tribui, sed pertinaces illi motus cordis in plerisque animalibus, & in fibris insectorum, alterius naturae esse videntur, neque a frigore aut a calore aeris ullo modo explicantur, aves etiam capite resecto aliquamdiu obambulant, Non possum ergo in BOERHAAVII sententiam transfire, quare oportet ut alias perpendam. DAVID HARTLEY vir acutissimo gaudens ingenio, credit (*d*) se invenisse causam, cur motus cordis & muscularum in animalibus morientibus vel penitus emortuis, calore vel injectione fluidi, aut punctura possit excitari, vibrationes enim inde in fibris ortas, ait (*e*), viu forte adtractricem de genere electrico suscitare, quam in se contineant fibrillulae vel globuli sanguinis; has autem partes in corde ranarum vel viperarum eadem vi gaudere, sed tenaciori magis & durabili, (*f*) hinc minori etiam caloris gradu in motum agi. Respondeo: omnino aliquid muscularis inesse debere, quod, dum in actione sunt, adtractionem partium constituentium angeat, manifesto enim per experimenta GLISSONII (*g*) aliorumque in actione sua minores fiunt: de sanguine autem iam ostendi, nihil ad motus illos facere, qui in cordibus resectis supersunt, quare mihi perinde est (*h* unde tamen argumentum desumit pro hypothesi sua HARTLEXUS (*b*) ) an in globulis

(*c*) C. B. III. 490.

(*d*) v. El. *Observations on Man, his frame, his duty, and his expectations* Vol. I. p. 86.

(*e*) l. c. Vol. I. p. 88.

(*f*) l. c. p. 95.

(*g*) de *Ventriculo & Intestinis*. Op. T. III. p. 192.

(*h*) l. c.

bulis sanguineis piseis *muscleshellfish* dicti, vim electricam observaverit HALESIUS nec ne; deinde etiam robur addit rationibus jam adlatis, quod musculi insectorum, potentissimi certe, omnes albi sint, globulis rubris igitur expertes. Neque aliquid per vim suam adtractricem explicare videtur HARTLEYUS, (quod pace tanti viri dictum sit,) idem est ac si dixisset „renovantur motus harum partium quia majori gaudent irritabilitate, ipsa enim vox *adtractio* nihil denotat nisi phoenomenon, nihil ultra nec in physicis hac de re scimus; adtractio similiter ac celebris illa *harmonia praestabilita* voces sunt, quae doctam indicant ignorantiam. Calor tandem in excitanda irritabilitate, id praecipui habet, quod majori vi, latens & nunc fere exstinctum principium excitet, quomodo demum fiat; saepius enim observavi, quocunque non faciat irritatio acu vel scalpello instituta, id facere venenum; quocunque venenum non faciat, id facere ignem &c.

## §. LII.

Pergo in examinandis motuum a morte superstitem causis. Ad nervos non possumus eos referre, quocunque placet sistema: Si a tractione nervorum repetitur motus muscularum, nihil in partibus abscisis invenimus quod trahat vel tractioni ansam praebat: Si ad vibrationes referimus, quae per nervos ad musculos transcant, uti soni per superficies fluviorum, vel electricitas per funes cannabinos, principium non habemus unde oriantur: Si eo confugis ut spiritus animales in musculis adhuc superstites rem conficiant, nullum habemus domicilium, nullos loculos, ubi morain suam agant; deinde consumuntur spiritus, sed nullus hic adest fons qui novos suppeditet ad motus aliquando adeo tenaces & tam diu post interruptum omne cum cerebro commercium superstites. Est

etiam, integro adhuc mechanismo corporis, semper causa determinans, quae secretionem hujus liquidi promoteat, ducat huc vel illuc, augeat ad requisita majoris potentiae; tolle hanc causam, quid tunc praeter vim inertem spiritibus superstet? Haec sola, nisi fallor, consideratio, sententiam de imperio spirituum in partes abscissas confutat; quis enim absque praegressa causa, motum quaereret, ubi nihil adest nisi vis inertiae? Sed etiam tot motus absque nervis perficiuntur, ut ideo huc recurrendum non sit: polypus nec cerebrum habet nec nervos; idem verum est de pulice, qui tanta potestate sese movendi gaudet, ut id omne superet, quod unquam in homine cum tanto nervorum subsidio visum est (*a*). Non dixerim tamen, irritabilitatem fibrae muscularis ad motum vel cordis vel muscularum sufficere, nimis debilis est hic motus, quando absque nervis perficitur, & ille non ita multo post cefsat ligatis nervis: dum autem affirmamus irritabilitatem solam, rationem reddere, perpetui motus in corde, non ideo dicimus, illam quae fibrae musculari inest, unicam esse causam hujus motus, & multum abest quod **GALENO** concedam, cor ad motum suum perficiendum nervis plane non indigere, nervis enim cordis ligatis serius oxyus mors sequitur; id autem aliquando non evenisse nihil demonstrat, nisi nervos ligatos suppetias ab aliis accepisse, qui integritatem & commercium cum cerebro infra ligaturam conservarunt, hoc ex. c. in experimento **PETITI** factum esse, (*b*) qui utriusque lateris & octavum & intercostalem rescidit, demonstrat Ill. **HALLERUS** (*c*), non enim nisi post septimam horam inde mortuus est canis, ad cor autem aliquid

(*a*) conf. §. XX.

(*b*) *Memoires de l'academie des sciences*. 1727.

(*c*) C. B. II. 135.

quid suppetiarum miserunt nervi à vertebralibus ad ganglion cervicale inferius intercostalis accedentes, non multo minus, media parte virium consuetarum.

## §. LIII.

An in ipsa *anima* quaerenda horum motuum causa? an inde etiam motus vitales & naturales, dum *machina* in integro est? **S T A H L I U S** ope toni i. e. elateris naturalis fibrarum, animam dixit sanguinem & humores omnes movere; in ipso corpore ergo non concipiunt ejus sectatores nisi inertiam omni activitati contrariam ineptamque. Sed quod secundum istos claros viros anima facit, saepius fecerunt, in brutis jam emortuis, mea instrumenta, aliorumque in ipso homine: motum cordis in diversis animalibus flatu fuscitavi, fuscitavi etiam scalpello, fuscitaverunt alii injectis variis liquoribus; motum peristalticum intestinorum jam cessantem renovavi; imo penitus destruxta animae sede, cerebro, egregie currere vidi varia animalia. Nunc si ostendero in corpore vivo easdem motuum adesse causas, eosdem stimulos, quales aliunde ego post mortem adtuli, nonne manifestum erit, motus & in vivo animali inde pendere, quos a morte ex iisdem causis video consequi? Irritatio ergo mechanica quaecunque motum cordis fuscitat, nonne etiam fuscitabit adfluxus sanguinis? Intestina chemice vel mechanice irritata contrahuntur, incitatur motus peristalticus; nonne ergo idem stimulus, in vivo corpore ab aere deglutito, ab ingestis, chylo, foecibusque inde enatis, a bile, exortus eadem praestat? An sapientissima nostra anima purgationes absolvit, quam in homine Cel. le CAT & in cane ego simplici irritatione perfeci? Habeo plura. Resecentur intestina ex quocunque animali, motus peristalticus non minus perget, dum ab imperio animae remota sunt,

imo vero fortior erit. Cor resectum pulsat. Nonne ergo in corpore aliud principium motus praeter animam? An non ex utroque hoc experimento manifestum est, cor & intestina in se recondere motus sui principium?

## §. LIV.

Sed hucusque id tantum egi, ut aliorum sententias de causa motus cordis & muscularum confuteam; nunc autem oporteret meliora docere. Quomodo ergo ex fabrica fibrarum explicanda irritabilitas? quanam in re differt fibra cordis a fibra aliis musculi, ut longe magis ad motum prona sit, imo frequentius eum sponte peragat? quaenam est illa materies adeo inaequaliter diffusa, unde alia pars p[re]a alia longe irritabilius evadit? Non pudet ea respondere qua saepius responderunt maximi viri: rerum causas eruere nobis non licet, sufficit phoenomena explorasse, uti in motibus corporum coelestium attractionis & gravitatis phoenomena quaerit Physicus, non causas; omnia (ut LEIBNITIUS ait,) principia motus ultima sunt physica & mechanice explicari non possunt. Id tantum de irritabilitate generatim asserti posse mihi videtur, tamen esse proprietatem corporum, in primis animalium, quae in se contineat motus sui causam, hinc ea corpora inertiae perfecte reddat expertia; supra etiam jam dixi, irritabilitatem si tollas, tolleres vitam. Meretur ergo Irritabilitas inter primarias proprietates corporum recipi, ut quae animalibus omnibus est communis, eoru[m]que forte vitam sola absolvit; ejus autem causas facile ignoramus, dummodo teneamus phoenomena

## §. LV.

## §. LV.

Quinam autem irritabilitatis *limites*? an omnibus corporibus communis est haec proprietas? An vegetabilibus omnibus, mineralibus, ultimus dein corporum elementis? Vitam animalem absque irritabilitate absolvi non posse, satis, ni fallor, per totam hanc tractationem patet. Plantae dantur multae quae acu irritatae polleni suum effundunt, de Mimosa diu notum est; sed an non ad elaterem simplicem saepius pertinet haec apprens irritabilitas? aliquid simile suadent ~~s w a m -~~  
~~M E R D A M M I~~ de Filice mare ~~D O D O N A E I~~, observationes (a). „Quando grana perfecte maturuerunt, funiculusque extensae instar chordae, arescendo contractus est; tunc vi quadam elastica hic sese tandem in lineam rectam exporrigit, sicque folliculum in duo haemisphaeria perfecte deducit, quo fit ut semina intus contenta cum impetu quodam per aera disjiciantur „. Quidquid sit, observationum nondum nobis sufficiens copia est, ut inde pro irritabilitate plantarum conclusiones generales deducere possimus; caloris proprii sunt effectus, frigoris proprii, hos autem si irritabilitatem plantis essentialē esse pono, eo facilius intelligerem. Gradationem interim sustinent, plantae sic dictae sensiles, a regno vegetabili sursum ad regnum animale, per nuperima etiam Celeb. NEEDHAMI experimenta (b) confirmata, qui uno tantum gradu vitam a vegetatione differre existimat, quod in infuso in prīmis farinae fecalinae, aliisque multis

(a) *Bibl. naturae.* p. 908.(b) *v. nouvelles observations microscopiques.*

multis, insignem animalium microscopicorum numerum observaverit; mucorem quidem ( ut in transitu moneam ) pro evolutione filamentorum habet ( c ) clarus ille vir, sed jam a 1735. Ill. H A L L E R U S ( d ) in putrescente clathroide elasticum motum vidit, quo fila quasi animata rebebant, atque spargebant pollinem simillimum annulis perforatis, quare & haec ad illam gradationem pertinent. Minera ad motum non est destinata, nulla ibi humorum per vasa circulatio, nulla itaque irritabilitas. De ultimis tandem corporum elementis L E I B N I T I I olim sententia erat, vi aliqua gaudere insita, unde mutuae actionis fiant capacia; sed speculationem adeo egregiam merito acutioribus relinquo ingeniis, quibus datum est, ea etiam naturae opera calculo subjicere, quae sola ratione adsequuntur.

## §. LVI.

Ad doctrinam de irritabilitate pertinet, quaestio omni tempore agitata, & eo magis celebris quo frequentius crucem figit claris viris. Cur nempe in *somno* motus cordis, intestinorum, respiratio dein perpetuo agant, quiescant autem quae manifestius a voluntate pendent, motus muscularum & quae inde componuntur actiones? B O E R H A A V I U S nodum non solvit; venit, & palmam tulit Praeceptor noster illustris A L B. de H A L L E R „ ita simplex, ait ( a ) causa videtur ut forte vel ideo sit praetervisa; ea organa perpetuo operantur, quae ad motum paratissima, & valde irritabilia sunt, & denique perpetuo irritantur „ Intestina & cor in primis hoc pertinere

(c) 1. c. p. 235.

(d) v. Enumerationem stirp. Helvetiae indig. p. 10.

(a) Physiolog. p. 205.

re per experimenta nostra ni fallor satis evictum est, motum intestinalium peristalticium ab aere esse dudum demonstravit Ill. HALLERVS (*b*), ubi eodem in loco BOERHAAVIUS fatetur, causam se ignorare: huic accedunt, ea omnia quae in tubo intestinali foventur, perpetuo mutata, hinc mutationes producentia in partibus continentibus, bilis in primis, intestinalium stimulus primarius, qua destructa, vel in naturam mitem mutata in ictero, alvus sicca fit, quod etiam ex ruptura vesiculae felleae observatum est: stimulant praeterea chylus & liquores intestinales, & ipsa scybala. Respirationis per somnum superstitis alternatio, ab anxietate explicatur, quae & inspirationem sequitur, & exspirationem, & post utramvis, mutationis necessitatem inducit: Est quidem per nostra experimenta diaphragmati id privilegium ut multo majori gaudeat irritabilitatis gradu quam musculi animales; sed hoc non sufficit, & quae supersunt minus respondent systemati superius proposito: at dum de veritate agitur periculosest, ut hanc in placitis nostris quaeramus rotunditatem, qui nunquam tot tenemus data, quot pro assertis universalibus sufficiunt; ad explicandum respirationis negotium omnino magis arrideret ea sententia, quae causam perpetuae alternationis in irritabilitate ponit, quia sic ad voluntates obscuras non esset recurendum, sed hactenus magnis viris haec non suffecerunt; infantibus recens natis voluntatem esse non posse, id quidem sentio, automatico enim motu deponunt alcum, nec stimulo resistunt, nisi quando ratiocinii capaces, turpidinem adgnoscunt; semivoluntariam tamen esse respirationem, non video cur negari possit; possum nunc respirare,

(*b*) C. B. IV. 612.

## DE IRRITABILITATE.

74

re, possum non respirare, hoc voluntatis est: curro, sanguis celerius movetur, crescit ideo respirationis necessitas, plus advenit sanguinis ad cor, plus ideo in pulmones projicitur, (nisi enim nova accederet causa, quae per pulmones promoveret sanguinem, colligeretur ibi, orientur quae inde pendent mala) in hoc nunc casu non possum non celeriter respirare, hinc ad voluntatem referri nequit actio quae non est libera (c) quare respiratio hic videtur esse automatica. Sed quomodo fit ut una eademque actio, modo voluntaria sit, modo automatica, vel uti medici loquuntur, modo animalis, modo vitalis? quomodo eadem machina, eisdem semper perficiens motus, dirigitur a duobus motoribus; qui, dum tanquam causae differunt, diversos etiam habebunt effectus, hinc non possunt non diversimode agere? difficultas non adeo magna est, musculi mouentur ex nutu nostrae voluntatis, at si dissecto vivo homine, nervum irritares, contraheretur similiter musculus ad quem abit, quare idem hic est effectus voluntatis & scalpelli.

(c) Non ignoro, quae contra libertatem, ex theoria associationum quae EOCKIO, & vibrationum quae NEWTONO debetur, nuper in Anglia ab ingeniosissimo HARTLEYO sunt proposita; sed non minus verum esset adsertum meum, si novo systemati insisterem: Fac nullam esse homini libertatem, ideas non tantum quae a sensationibus oriuntur, sed etiam ratiocinia mechanice generari, non ideo sublata esset differentia inter actiones vitales seu automaticas, & voluntarias; Voluntatem enim omnino ponit HARTLEYUS, sed physicam adsignat rationem, quae illi ortum praebeat.

E R R A T A

- |                        |     |  |
|------------------------|-----|--|
| pag. 1. lin. 7.        | pro | <i>contrabitur</i> lege contrahitur.               |
| pag. 2. lin. 22.       | pro | <i>toum</i> lege tot um.                           |
| pag. 3. lin. 3.        | pro | <i>irrbilitas</i> lege irritabilitas.              |
| - - 4.                 | pro | <i>constvictionem</i> lege constrictioneſm.        |
| - - 8.                 | pro | <i>frustra</i> lege frusta.                        |
| pag. 5. lin. 9.        | pro | <i>iliis</i> lege illis.                           |
| - - 17.                | pro | <i>cum</i> lege cum.                               |
| pag. 6. lin. 28        | pro | <i>stupida</i> lege stupidas.                      |
| pag. 8. lin. 29.       | pro | <i>exſucco</i> lege ex ſucco.                      |
| pag. 11. lin. 11.      | pro | <i>irride</i> lege iride.                          |
| pag. 15. lin. 28.      | pro | <i>fastam</i> lege fasciam.                        |
| pag. 16. lin. 26. seq. | pro | <i>qniſiem</i> lege quidem.                        |
| - - 28                 | pro | - <i>dnuabat</i> lege - ſinuabat.                  |
| pag. 18. lin. 20       | pro | RODOLPHVS DAVIDITH lege<br>DANIEL RODOLPHVS - ITH. |
| pag. 20. lin. 10.      | pro | <i>penitns</i> lege penitus.                       |
| pag. 30. lin 25.       | pro | <i>opifhono</i> lege opifhotono.                   |
| pag. 33. lin. 3.       | pro | <i>abs ue</i> lege absque.                         |
| - - 4.                 | pro | <i>diffi ile</i> lege difficile.                   |
| pag. 56. lin. 16.      | pro | <i>erram</i> lege terram.                          |
| - - 17.                | pro | - <i>tello</i> lege - pello                        |
| - - 18                 | pro | - <i>pon</i> lege non.                             |
| - - 19                 | pro | - <i>num</i> lege - tum.                           |
| pag. 57. lin. 16.      | pro | <i>upererat</i> lege ſupererat.                    |
| pag. 60. lin. 25       | pro | <i>quos</i> lege quas.                             |
| pag. 70. lin. 17.      | pro | <i>ultima</i> lege ultimo.                         |



